


EAST ASIAN LIBRARY  
UNIVERSITY OF TORONTO LIBRARY  
130 St. George Street  
8th FLOOR  
TORONTO, CANADA M5S 1A5

DS  
754  
.7  
S5  
1738  
v. 81









承准奉憲發給

照得前准八條五月二十三日所准地籍調查總局事在

案准奉憲發給

查得查明事有西漢人楊福高從前在在苗樂病

與全副地籍調查局在案出於上年十月內

照得前准地籍調查局

自前查照在案茲據地籍調查局呈稱

內附全副地籍調查局呈稱

澳門和橋去地籍調查局北門大馬路天主堂一樓

地籍調查局呈稱

承准奉憲發給







硃批李衛奏摺重批欽此  
雍正八年五月二十二日浙江總督管巡撫事在  
本任守制臣李衛謹

天奏爲奏明事竊有西洋人德瑪諾從前因在浙染病  
具呈調治寬限回京咨部在案臣於上年十月內  
回任後遵

旨行查催令起程據稱老病寒冬長途難行驗明咨報  
內閣今於本年五月初間委官設法伴送至廣東  
澳門安插去訖所有省城北門大街天主堂一座  
現已閒空據地方官詳請撥役看守前來臣查西



洋人原係異域外教無知愚民多有貪伊厚利暗地入其教中并及駐防旗下亦染此風甚有關係臣前設法嚴禁始知斂跡曾經附摺

奏明此等深心結納意欲何爲乘此未可再留根株以杜日久後釁查勘規模制度與佛宮梵宇不相符合伏思海洋之中惟

天后最顯靈應卽外夷西洋各種之人無不敬畏

本朝屢奉

敕封褒崇凡近海之處俱有大廟商民往來祈福獨杭  
和州爲省會重地控扼江海未有專祀現今寧邑已



奉

欽建海神廟附祀

天后臣愚以爲似宜止作臣意將天主堂改爲

天后宮字樣諸凡合式不用更造只須裝塑神像擇

德行羽流供奉香火則祀典旣清而異端亦得靖

其萌蘖矣是否有當相應請

**奉祀甚屬合宜**

旨欽遵再臣前次所奏江南匪類案內供情曾奉有

硃批摘其大畧另摺錄奏欽此及審出捏造讖語妖言

凡有關係者若摘出另奏則原疏情罪難以相符

故不得不備載招內先經遵



旨具題其餘俚鄙浮誕之言似毋庸又行瑣瀆相應附  
是

陳聲覆至臣今次摺內奉有

硃批不料李永陞亦是一負恩無恥之人奈何奈何欽  
此臣捧讀之下不勝駭異如李永陞性桂史貽直  
三人在浙相見時備述感激

皇上加恩深重之處每至墮淚涕零豈料李永陞又有  
前情此用人之難以致

聖主多費天心於此可見而臣下之待屬員更當時時  
事出情理之外真可謂奇  
警惕以爲炯戒也爲此謹

奏



覽

同日又高田悉

奏爲恭繳員稟

事竊臣於本年五月初四二十一日兩次接到

皇上批回原摺伏讀

御批仰見

聖心爲萬民憂勞雨暘多少無不上厪

宸衷浙江三四月間雨水稍過別屬春收畧減無大妨

礙現在上游早稻甚好將屆告登惟湖府之安吉



州長興縣二處爲天目諸山溪水匯歸之所由高  
處衝入低窪田內一時難消斗岸間有坍缺臣先  
委標員分頭細勘情形誠恐有誤插種之期隨於  
五月初旬動支藩庫

恩賞備公款項銀一千五百兩委員分往安吉長興二  
處督令車戽積水修築斗岸將實在無力買秧窮  
民酌量幫助購苗廣種設有不足再行給發去後  
隨據各員稟覆連日晴明今春太湖漟港開通山  
水易消高田悉已播種低處亦皆插蒔民力尚是  
紓徐齎去銀兩購苗動用無多田埂斗岸亦有本



主自修者統俟各員回日定數另行核實報銷外  
奏明上慰

聖懷至  
御批詢問劉章張文耀之處臣聞劉章年力既尚未衰  
自可驅策浙省臬司事務原屬繁劇近今民風漸  
覺丕變盜案頗少人命亦稀非比藩司若委用乏  
人劉章尚堪任使其劉枬誠如  
聖諭調於內用實爲相宜至於鎮海營守備張文耀原  
係陸路湖協守備臣因其長於水師是以



題請調補續於上年三月保舉一等今春送部引

見該員人果明白勤於哨巡辦事急公操守尚可其水  
務亦在中等以上緣其本營叅將蘇福漢仗雖優  
於水師不爲高超故將張文耀暫留該營未卽別  
用今因定標遊擊員缺緊要擬以張文耀請補在  
案茲蒙

聖明錄取仰見寸長不遺浙省水師人員好者甚少如  
蒙

天恩准於浙屬叅遊中試用實可資臣臂指之助看其  
再加歷練方可以膺大任倘閩廣現在緊要需人



自應移緩就急以副

皇上因地用才之至意再蒙

諭旨指示提督萬際瑞之處

聖訓周詳洞照朗澈萬際瑞亦將伊奏摺內所奉

硃批宣示到

臣備述追悔改過之情而臣仰誦

天語更爲惶悚愧感難安自當彼此勸勉俾之遵循

訓旨雖不敢望其卽能振刷得宜但求與地方營伍相

安免致又費

聖心顧慮也伏思

皇上留意人才薄技微長蒐羅不棄固無待於臣下之



揄揚但竊見

聖主批示爲封疆用人其難其慎若不仰體

天心將平昔所知之人指出短長據實陳明以備採擇而惟圖一己之便留爲幫助殊非以人事

君之義以臣所知如貴州地方雖屬緊要巖疆然督臣鄂爾泰頗能調度此際提督止須嚴明有威望者卽足彈壓尚易得人今現任貴州提臣楊天縱臣

素知其料理地方營伍捕盜事宜粗細皆能周到

近來

頗露

衰邁

景況

止堪

邊徼

地方

資其

彈壓

如年力現在未衰不但邊徼之才卽江浙廣東繁

鉅亦可勝任黃巖鎮臣李燦不避嫌怨辦公過當



臣於上年在京時猶未敢遽保其可以獨任一面  
今回任以來見其諸事實心整理調度有方比前  
更加歷練寬嚴得宜可備南方水陸兼攝之用據  
其呈詳欲於撤巡時懇請  
陛見如蒙

俞允則其可否任使

聖明自有洞鑒至杭協副將吳進義人稍粗戇而明白

勤幹勇敢向前雖係北人畧曉水務於南省地方  
事宜皆爲熟悉嘉協副將王緒級初任時行爲尚  
有偏執未近人情今逐事開導甚能力加改革束



兵有法訓練盡心宜於北地

是

此二員將來均可儲

爲方鎮之選其他如平陽陸路副將馮吉品其人

粗俗習氣恐難脫換

畧覺粗率瑞安水師副將蔡添畧提標右營遊擊

魏國泰人材水務俱嫻而在任尚淺黃巖鎮標左

營遊擊張兆龍漢仗技藝兼優護乍浦遊擊柳進

忠熟悉各洋兩員哨巡水務俱好而操守尚須再

試溫鎮中營水師遊擊李舉湖協左營陸路守備

李壽演其人材均堪造就以上皆臣現在屬員中

可取之人再加操練數年均堪以膺大缺漸次任

用者也尚有陞任浙江提標右營遊擊黃有才經



臣附疏保舉旋蒙

特旨補授臺灣南路營叅將臣因海外要地是以不敢

題留但南路係屬陸師該員於江浙洋面情形最爲  
所奏是其到任後諒閩督高其倬自必酌量相宜題請  
熟諳若於水師調用更爲人地合宜又原任太湖  
調補也

營遊擊葉應龍今陞湖廣澧州營叅將其人雖操

守難信而技藝頗精且熟於沿海陸路地方今任

湖廣亦恐未能展其所長又臣有表姪邵銓現任

湖北岳州衛守備係由侍衛補放其弓馬臣久未

看見而年力强壯膽勇非常人頗忠誠用之營伍

亦足備勇將之材可否發與浙江俾得再加教導



望其成人出自

聖恩又臣兼轄江南武職中如提標駐劄上海遊擊葛世雄辦事盡力人材均優右營守備徐潛蕭營守備高鉦平望營守備李紀皆漢仗弓馬可觀留心地方營伍俱屬可用之才以上各員臣非敢濫行保舉實因

聖主加意作人臣既有所知不敢隱默用是附摺陳明伏惟

睿鑒所有二次奉到  
硃批原摺理合一併恭繳謹



奏兩省賦式總錄晉韓一制查兩省賦兼之國資  
覽各將備才力俱經洞悉已命照摺錄存徐徐斟酌有

旨奏鄂撫許等因臣等查兩省賦兼之國資  
百事雍正八年六月初六日浙江總督管巡撫事在任

守制臣李衛謹

奏恭請晉臣李衛合其陋賦何否具奏為批朕親  
皇上聖安斜奏一覽為奉

朕安

醫者謝鵬到京大得其力朕甚嘉之望呈辦本鄉節送

奏同日又



奏爲遵

旨議覆事竊據定海鎮總兵官林君陞呈稱本職前差  
把總齎摺進京恭請

聖安附有條奏一摺欽奉

硃批言之督臣李衛令其酌定可否具奏欽此相應鈔

錄原摺呈請查照奉

旨事理欽遵定議

奏覆施行等因到臣據此該臣看得林君陞奏稱凡  
屬兩省交界之處宜照浙閩楓嶺南澳之例統屬  
兩處地方聯絡管轄一條臣查兩省接壤之區宵



小易於影射潛藏而間有不肖文武藉詞推諉誠不能免荷蒙

皇上聖明遠照洞悉弊端先後奉頒

諭旨將各省聯界不清者令地方官勘丈明白不得彼此推諉又凡交界處所失事探實賊盜無分此疆彼界卽行密拏使從前關會稽遲隔屬掣肘之弊得以剔除

睿鑒精詳無不仰頌至於各省地界犬牙相錯其邊疆聯接之處每不止於一省卽一省中亦不止於一縣如浙屬杭嘉湖嚴衢溫處七府與福建江西江



南安徽聯界者共有二十州縣內如太湖巨浸淩  
港錯雜最爲藏姦之藪從前止設一營兩省共轄  
今則江南添設叅將仍與浙省聯絡分防又烏鎮  
爲嘉湖蘇州三府七邑交接之所湖府捕盜同知  
駐劄於此特設關防統屬江浙各縣督緝類皆因  
地制宜以爲防範必如楓嶺之羣山雄踞有仙霞  
黎嶺之險南澳之大海汪洋扼詔安饒平之衝方  
議設營分防控制兩地其他接壤之處甚多若欲  
一例添設不勝其繁以臣愚見似應聽各督撫提  
鎮就兩省毗連要隘處所斟酌情形應否設立會



奏請定奪未可槩論者也又林君陞奏稱沿邊陸汛  
有偏處海濱之臺寨要口添設槳船得以進淺搜  
緝一條臣查沿海汛防原有水陸之分但戰船止  
能哨捕大洋若邊岸泥塗潮退膠淺每有巡船所  
不能到者而扁舟小艇易於乘潮往來姦民駕駛  
便利不但乘機竊刦且有偷運米穀夾帶私鹽等  
弊雖墩臺營堡沿路皆有陸兵看守稽查因未設  
巡船常至追捕不及且水汛卽非所管更得藉以  
推諉臣稔知其弊凡沿海陸路如台屬之海門前



所家子三江口新亭章安道頭寺前橋溫屬之樂  
清虹橋江口汎諸處盡皆添設小巡船健跳昌國  
石浦又已改爲水師俱經會同漕運督臣性桂觀  
風整俗使臣蔡仕艸先後具

題已蒙

諭旨准行近又於紹屬之周家路臺等處議行添船現  
委黃巖鎮李燦前往查勘又江南崇明縣各沙及  
福山營增置快哨沙船之處亦與江蘇撫臣尹繼  
善商定會

題各在案此外應如該鎮所請令各省督撫提鎮凡



奏陸路濱海之臺寨汎口淺塗及江河中流酌量緊  
要處所添造槳船防範哨巡遇有姦匪往來卽可  
飛擢擒獲所需成造及修葺工料於各處備公銀  
內動用仍將船隻造入營員交代冊內以垂經久  
其於地方實有裨益又林君陞奏稱海汎暗礁外  
來商艘不能悉知宜汎口刊立木板曉諭礁上建  
監石標俾免撞沉一條臣查海船觸礁多成齏粉  
若使預知趨避誠足保全商漁但暗礁深入水底  
海道茫無畔岸頭舵僅能畧記山向大槩看視水  
面結花以爲躲閃究難認定處所卽刊立木板於



岸而礁在水中相離遙遠安得望見清楚況潮汐  
起落蕩搖颶颶巨風震撼裝載石標之船亦恐到  
礁卽破未易建監言之似易而行之實難應先令  
該鎮暫動公糧所餘於伊汎地試行如能建監有  
效則發給備公銀兩推而行之實足以廣

皇仁而重民命矣以上各條臣知識粗淺未當機宜緣  
奉

諭旨酌議謬抒所見陳覆伏乞皇上採納臣謹  
聖明睿鑒指示施行謹

奏



發九卿會議具奏候旨遵行

同日又

奏爲奏

聞事本年五月三十日據臣差往江南巡緝私鹽盜匪  
弁員稟稱崇明縣花沙海梢等處民人忽率衆鳴  
鑼到新開河市鎮強勒各舖戶關閉店面喧鬧地  
方等情隨據蘇松鎮總兵官施廷專呈同前由臣  
一面嚴批查拏首犯解散餘黨一面密加察訪因  
崇明佃民向例夏冬二季交納業主田租之外尚  
有轎錢折飯家人雜費等項經知縣祖秉震於上



年具詳禁革立碑文內分晰未明刁民藉以爲題  
欲將夏季麥租不還先寫匿名謗紙黏貼指稱取  
租富戶施大受與新任鎮臣施廷專聯宗倚勢勒  
收等語聚衆多人逼迫店戶罷市甚至毆辱巡檢  
雖經營縣拏有朱鎖等四五人到案尚有寫匿名  
帖之夏君欽等棍脫逃未獲該縣欲爲掩飾詳文  
含糊未將實情敘明臣查崇明地居海外各沙孤  
懸錯雜民情向稱刁悍今欲借端圖賴額內一季  
正租輒敢黏貼匿名聚衆妄行惡風斷不可長現  
在批行江蘇按察司蘇松太道嚴查確情會同營



員勒獲爲首鼓衆要犯咨會江省督撫二臣聽其  
究審定擬分別嚴處示儆外事關海疆要地棍徒  
聚衆理合繕摺奏

聞伏乞

聖鑒謹

奏

崇明邊海要地刁風尤當禁遏所見是朕命卿將施廷  
專調補浙省已有旨諭部矣黃巖總兵李燦於此缺宜  
否倘以浙省鎮臣不便輒調江省一面委員暫署崇明  
一面將情由聲明奏聞候朕裁酌



浙江總督管巡撫事在任守制臣李衛等謹

奏爲請

旨遵行事竊照浙江乍浦海口通達各省外洋設立滿  
營水師實於

國家兵制完備盡善現在閩省咨送弁員并浙江水  
師各營挑選熟悉水務綠旗兵丁四百名充捕盜  
舵工阿班斗掟繚手俱能加意教習實力奉行滿  
兵操練甚屬盡心臣等親見已有幾分諳曉前蒙  
皇恩賞給兵丁生息銀內乍浦水師共有一萬而  
聖主先事籌畫



特頒恩諭乍浦水師新拔兵丁錢糧照天津例每月加  
出五錢各兵感戴歡呼益加踴躍緣前項綠旗兵  
丁四百名雖屬水師同營而滿漢攸分前次生息  
銀兩未敢冒昧派入均沾隨將

恩賞加給餉銀應否一體支領之處移查天津都統准  
有覆文彼處舵工水手等人皆係雇募在營支領  
工食非係食糧兵丁不曾加增等語是以浙省現  
在亦仍照舊額支餉未敢一體添給但查此項兵  
丁俱係各標營抽調能悉水務之人身既遠離鄉  
井或挈家而來或分住兩地皆有養贍家口之需



且伊在本營尚有挑選拔補千把一途而乍浦滿營官員漢人不與挑選別無出身可圖惟恃錢糧過活其中如阿班等人善於大洋颶風猛浪之中扒上桅頂更非自幼練習不能精熟捕盜舵工亦非容易將來滿兵卽於水務極嫻而若輩仍須留用駕駛是其勤勞艱難之情原有倍於別營水兵非可援以藉口者因此與將軍臣阿禮袞副都統臣富參密爲商酌無異所有每月加給銀五錢之處似應仰邀

皇上格外洪恩一體支領竝各兵紅白事故可否亦於



恩賞生息銀內量爲分派臣等未敢擅專相應據實公

同

奏明懇請

諭旨方敢遵行爲此謹

奏

**所請甚屬允協候另有諭旨從部頒發**

浙江總督管巡撫事在任守制臣李衛等謹

奏爲請

旨調補事竊照杭州爲省會重地旗民交處又有各府  
州縣緝獲逃人解省皆須理事同知承審必得明



白勤幹之員方可辦理無誤今現任同知佟保初  
做外官未諳政務審斷旗民關涉事件非太過卽  
有不及多未妥協止宜京員任用尚可供職查乍  
浦理事同知鄂善隨伊父鄂密達在浙數年稍悉  
旗漢民情土俗肯於向前但覺少年好勝不甚老  
練且與副都統富參性情不合今鄂密達已蒙

皇上調任江寧無須迴避若以鄂善改補杭州理事同  
知俾臣等再加就近訓飭於事務可免舛錯之虞  
其乍浦理事同知雖所轄地方無多而營制初設  
海口通衢閩廣商民雜沓更須歷練明白之人方



可勝任仰求

皇上敕部揀選發補則一轉移間地方彼此有益矣緣

係調用旗員未敢冒昧題奏合先會同將軍臣阿

奏禮袞繕摺具

奏請

旨遵行伏候

睿裁謹

奏

已有旨諭部矣

諭浙江總督李衛知悉外邊傳有呂氏孤兒之說當密



加訪察根究倘或呂留良子孫有隱匿以致漏網者在  
卿干係匪輕逆賊獲罪於天事出情理之外雖剐尸不  
足以蔽厥辜部文到日遵照施行勿留寸骨於人世毋  
得苟簡辦理特諭

雍正八年七月二十五日浙江總督管巡撫事在

任守制臣李衛謹

奏爲覆奏事竊臣欽奉

硃諭密旨將逆惡呂留良子孫察訪根究勿使隱匿漏  
網并不令逆賊寸骨得留人世跪讀之下倍切警  
惕查逆賊呂留良罪大惡極於雍正六年冬間奉



文查拏逆黨嚴賡臣等之時臣已將現在逆子呂黃中呂毅中竝逆之長孫呂懿歷三犯解京其律應緣坐之逆孫呂懿本呂懿正等十七名并年未及歲之呂懿林呂懿兼俱行查明監禁其逆犯曾孫雖律不緣坐而罪惡滔天者之嫡屬未可以常律論并將其年在十六以上之呂爲雯等四名及髻鬣襁褓之呂服先呂誦先等十五名亦行查出分別監禁看守又有逆孫呂爲景向隨父懿緒出繼與逆姪呂仙中者今懿緒已故將爲景并其初生之子阿大查出入冊不使得因過繼倖漏各在



案迨臣上年進京

陛見時面奉

諭旨之後誠恐或有遺漏隨於京邸密封移咨署督撫

臣性桂蔡仕舫再加確查據稱俱經復查無遺分別造冊送部又在案臣於上年十月初二回任路過嘉興查知逆犯呂留良墳在石門縣識村地方卽飭選撥兵役協同地保常川看守委官巡查又復嚴加密察已故逆子呂葆中有一繼妻曹氏年六十八歲因從前剃髮爲尼出家於南陽廟中未經入冊續又查出同現存已故各犯之娶過妻妾



勞氏嚴氏等二十四人及未曾許字之女四人一  
并聽候部示其現在監禁各犯內有呂懿剛於本  
年六月初一日病故當經委員驗明取具圖結報  
部今奉

密諭臣再加意留心嚴督地方官務須詳查確訪稍有  
絲毫疑情卽行根究到底總之此案臣斷不敢邀  
譽沽名稍存姑息自當選派文武慎重辦理不致  
畧爲疎忽得有漏網也理合先行

奏覆伏祈

聖鑒謹



奏

所奏是此案逆犯乃

君父

宗社之仇讐豈他悖惡之可比當更詳細搜索以淨根株

同日又

奏爲奏明全省近日年景情形事竊查浙江田稻有  
早中晚之不同上游金衢嚴等八府早者大槩居  
半杭嘉湖三屬則晚稻爲多今歲四五月間浙西  
雖然雨多尚在未曾種植之先浙東地高不慮雨  
水惟恐天旱故寧紹金衢嚴處六府各縣早稻收



成豐熟台溫二府所轄近海地方當六月初五日  
發有颶風維時早禾已經收刈十之五六晚禾尚  
未開花俱無妨礙惟台屬黃巖太平臨海寧海等  
縣傍岸近水塗田間被風潮損傷通縣不及十分  
之一二其中又復高下不齊此等低處最甚者風  
止後雨洗鹹潮尚有三四分收成新米價值近海  
者每石僅七八錢不等杭嘉湖地方夏收豆麥畧  
減分數而蠶絲旣熟沾利自多晚禾雖未可期必  
然現在雨暘時若一路菁蔥遍野雨水盈疇車戽  
不勞民情安適臣所過之處目擊情景實有含哺



鼓腹耕鑿自如之象而蘇松等屬秋苗亦盛將來  
發華結秀兩月之間如無大雨暴風收穫齊全豐  
登又已可望矣再查海寧海鹽兩縣雖因海中發  
颶潮水漫塘而石工幸皆保固惟土塘及舊時碎  
石老塘間有被水衝擊坍卸者現已搶修填築以  
禦秋汛安吉州長興二處五月間水退之後田禾  
悉已補種具結不致成災惟黃巖等數縣內有近  
海之民人房屋營汛墩臺等項間至被風刮倒不  
無傷損當經酌動鹽務贏餘銀兩分別賑恤幫助  
安頓俱不致有失所臣查浙省今歲仰邀



皇上福庇尚不至有滂溢過甚之虞而此番颶風太大  
近海數邑民田廬舍間有損傷臣雖從不隱匿絲  
毫災傷稍自粉飾而返躬思咎實切悚惶近又恭  
承

聖訓以恒雨之徵惟狂始見荷蒙

恩諭浙江多士凜盛滿之戒深敬畏之心仰見

聖主容保教思至意豈惟浙士感戴欽承臣亦倍加凜  
惕惟有痛自刻勵不敢畧逾尺寸以期稍免隕越  
於萬一伏祈

睿慈鑒宥謹



奏

今歲直隸以至各省皆有微災然此咎徵殊與卿等無涉俟秋成後奏報到齊朕自另有諭旨通頒

同日又

奏爲奏

聞事竊照浙江學政顧仔於本年二月到任後卽赴處  
州台州補行科考二郡俱係山海僻壤生童數少  
雖有怨聲尚未聞其弊竇五月間至紹興府首行  
歲考臣留心稽察有學政書吏姚三聚皂頭周姓  
囑各學教官凡招覆新進童生每名索規禮七錢



告假遊學生員每名索銀一錢二分各學投冊索銀四兩山陰會稽因附郭倍之學書門斗偶因文冊些須舛誤必加重責聲名已是平常及生童發案後外論更覺譁然街衢遍黏匿名揭帖開有舊時遊學勒銀一兩新告遊學勒銀一兩四等免責勒銀八兩生員保等勒銀二十四兩新進文童得銀二百四十兩武童得銀八十兩等項六條指新進文童鈕昊武童黃尚義爲據該府顧濟美查拏黏貼之人已無蹤影學政顧仔聞知卽發鈕昊原卷諭查有無撞騙鈕昊堅不承認第書吏皂頭出



奏荷蒙

俞允欽遵續據張适王坦先後到工承辦一切事宜俱各實心盡力畧有頭緒詎意王坦於六月二十三日忽發失血之證至今大吐不止日覺沉重即使調理幸痊亦恐不能耐勞辦事據布政使張元懷委官驗明出結具詳請令該員回籍調治如能痊愈再行赴浙效力等情前來相應

奏明一面給咨回籍至廟工事務殷繁張适一人之精神難以分身照顧兼理查有原任廣東廉州府知府蔣杲由戶部山西司郎中本部保送引



見奉

旨記名選授府職到任二載因署別府任內失入命案  
部議革職永不敘用現在蘇州原籍查蔣杲前與  
臣同任司官時知其爲人謹慎小心而且殷實饒  
裕經手錢糧工程諒必顧惜身家不敢苟且草率  
況其獲罪在於據縣審招轉詳非係有心故入情  
尚可原可否仰邀

聖主格外天恩准令赴浙協同監督廟工效力贖罪臣  
未敢擅便理合繕摺請

旨伏乞



睿鑒指示欽遵謹

奏

照所請行該部知道

同日又

奏爲恭繳

硃批遵

旨據實覆奏事竊臣接到前次具

奏崇明縣海沙地棍聚衆打鬧摺內欽奉

硃批崇明邊海要地刁風尤當禁遏所見是朕命卿將

施廷專調補浙省已有旨諭部矣黃巖鎮總兵李燦



於此缺宜否倘以浙省鎮臣不便輒調江省一面委  
員暫署崇明一面將情由聲明奏聞候朕裁酌欽此  
因部文未到正在祗候間於二十一日接准兵部  
咨文始知欽奉

上諭業將嘉協副將王緒級陞授太原總兵官其崇明  
爲江南濱海重地著臣於浙江總兵內擇其才克  
勝任者調補將施廷專就近管束教導臣跪誦前  
後兩次

旨意欽遵查得浙省四鎮定海黃巖温州兼轄水陸洋  
面均爲要區閩人雜沓非施廷專少年未諳所宜



惟處州轄屬稍僻事務亦簡雖堪調補然離省甚遠既於就近管束教導之

諭旨不能克副且處州鎮臣方文登勤苦小心於本任才具適爲相稱實未足當崇明重寄若欲調補惟有李燦一人但黃巖洋面避風島嶼難得又當浙省之中衝爲商漁之聚藪汎地四通八達素日盜案較定溫爲多海門等口最關緊要歷任不得其人目前方見整頓且現在台屬鹽務皆委鎮府督同辦理苟非熟練未能相安施廷專初到生疎自難妥協但今崇明現在缺員要地難以久稽似應



遵照摺內

御批先行遴員委署候

旨遵行查杭協副將吳進義由江南提標弁員出身歷  
任相近此地於蘇松營伍機宜頗爲諳曉李燦雖  
才情歷練尚有急於見好勇往太過之處而該員  
又覺老辣若上司駕馭得法與海疆要地尚屬相  
宜且前曾署理黃巖鎮務亦非生手現在遵卽暫  
令該員署理崇明俟李燦進京

陞見

皇上再加欽定抑或卽將李燦調補崇明以吳進義仍



署黃巖均可不至有誤其施廷專由浙赴任時臣  
曾見過人亦畧有才情可否以總兵之銜管理嘉  
興副將事務亦係通衢繁地更兼去省咫尺臣可  
遵

旨就近管束教導看其悛改奮勉再爲

奏請別用庶足仰體

皇上造就勲裔之德意矣惟是總兵爲封疆大僚奉

旨命臣選調已覺難安若就臣下臆見遽行具

題改調副將專擅之咎何以自逭用敢先將實情遵  
旨奏明俟施廷專到浙之日臣當遵照以李燦調補崇



明竝將施廷專原銜借管嘉興副將吳進義委署

皇子黃巖之處

題請仰懇

聖明鑒察摺內情由若有可採或令李燦進京

陛見再定吳進義可否於崇明暫試如果堪以勝任再

行酌用則於人材地方均獲得宜之益矣至杭協

爲省城極衝臣標中軍亦全省領袖兼有江南節

制營務督捕等事委任實難如部內有人懇祈

簡賞一員倘此際難得容臣再加慎選另行請

旨合併聲明所有奉到



硃批原摺理合一併恭繳伏祈

睿鑒謹

奏

已另有諭旨矣

浙江總督兼管江蘇督捕事務在任守制臣李衛

吏部左侍郎署兩江總督臣史貽直謹以親升再

奏爲覆奏會勘松江海塘情形仰祈 聖鑒事

竊照松郡塘工荷蒙

皇仁不惜數十萬帑金悉令易土爲石億兆生民永得

保護安全此誠



聖澤汪洋亘古未有者也自上年開工已及一載臣李  
衛先因進京往返給假回籍復任以來刻無寧晷  
未得親往履勘今值秋汛之時與臣史貽直會訂  
日期俱至蘇州正欲公同江蘇撫臣尹繼善前往  
查勘適值黃運兩河水長各工緊要公議尹繼善  
應移緩就急赴淮料理臣等於七月十六日親至  
工所逐加履勘東灣起至花家角接續舊工先築  
塘一千八百七十五丈分爲十五號內已築完十  
五層全成塘二百五十餘丈十四層以下至六層  
塘四百餘丈其餘鋪砌底脚築至五六層各不等



勘其石料工程堅固結實如法砌築較從前迥不  
相同皆由總理通政司額外叅議俞兆岳身任勤  
勞竭心盡力先築樣塘六十丈以爲程式是以在  
工各員俱不敢苟簡草率悉皆照式修築惟是臣  
等識見淺近所有勘過松郡塘工一切應行斟酌  
通融添築各事宜未必有當謹另繕清摺逐一分

晰恭呈

睿覽是否可行伏乞 聖明指示庶便會同撫臣尹繼善核疏具奏

聖題請



旨欽遵爲此謹

奏

詳覽會勘海塘情形及酌議添築石土工段各事宜俱屬協當朕深爲嘉悅

浙江總督兼管江蘇督捕事務在任守制臣李衛

吏部左侍郎署兩江總督臣史貽直蘇州巡撫臣

尹繼善謹

奏爲遵

旨會議具奏恭請

聖訓欽遵事竊臣李衛上年因蘇州踰布坊匠樂爾集



聖諭等聚衆結盟爲匪一案先經限嗣市禁烟藥爾某  
奏明請於擬罪發落後將其餘諸人作何設官彈壓  
立法稽查之處會同江蘇撫臣尹繼善酌量條議  
等因欽奉

硃批所論雖當俟此案完結後徐徐設法安頓妥貼方  
是不可以其難處而因循置之至時應作何料理奏  
聞請旨然後措施欽此今臣李衛於本年七月初一  
日自浙起程至蘇與臣尹繼善正在會商適臣史  
貽直亦因查勘松江海塘到來臣等公同酌議蘇  
郡五方雜處百貨聚滙爲商賈通販要津其中各



省青藍布疋俱於此地兌買染色之後必用大石  
脚踹研光卽有一種之人名曰包頭置備菱角樣  
式巨石木滾家伙房屋招集踹匠居住墊發柴米  
銀錢向客店領布發碾每疋工價銀一分一釐三  
毫皆係各匠所得按名逐月給包頭銀三錢六分  
以償房租家伙之費習此匠業者非精壯而強有  
力不能皆江南江北各縣之人遞相傳授牽引而  
來率多單身烏合不守本分之輩因其聚衆勢合  
姦良不一雍正元年有踹匠樂晉公徐樂也糾集  
拜把商謀約會欲於五月五日放火劫庫如遇官



出救護卽乘便爲害勢敗則奪船下海被包頭吳景範知風出首拏獲夥犯三十五人其爲首之樂晉公徐樂也在逃至今未獲彼時地方官止將十三人處死給賞吳景範銀二十兩結案以此各匠中之狡猾者肆行無忌如上年樂爾集之踵而效尤幸卽敗露早得芟除此外竊刦之案多有若輩在內從前各坊不過七八千人近因大盜奚貴卿被獲其夥黨小匪散逸多於此中藏身現在細查蘇州閶門外一帶充包頭者共有三百四十餘人設立踰坊四百五十餘處每坊容匠各數十人不



等查其踣石已有一萬九百餘塊人數稱是實爲  
藏姦納污之藪雖其中亦有食力貧民而桀驁不  
馴者頗多從而煽誘保無一時搖惑附和生事之  
虞臣等悉心會議民業不可禁絕姦匪務宜稽察  
誠如

聖訓當徐徐設法安頓妥貼方是不可以其難處而因  
循置之今不但踣匠一宗如蘇郡城外煙火百萬  
戶除楓橋千總竝無別員彈壓汎兵無多甚屬寥  
廓可慮謹就愚昧管見并蘇城營制事宜酌議規  
條以杜姦匪之橫肆一彈壓宜有專員也一營制



稍當酌改也一關汛更宜嚴巡也一稽察宜立成  
規也一姦良宜先分別也一積弊宜行禁杜也一  
需索宜行革除也一包頭宜并清查也一松郡法  
宜畫一也此係臣等就事區畫因地設防末議第  
恐未合機宜謹另摺逐條分晰遵以其機宜而因  
旨先行具奏是否有當伏乞

皇上俯賜訓諭方敢欽遵具

題辦理爲此謹

奏

所議是照此具疏題奏可也



雍正八年八月二十日浙江總督管巡撫事在任

聖主守制臣李衛謹

奏爲奏請

聖鑒事竊照浙江布政使張元懷於八月十七日在任  
接聞原籍報到伊親母章氏訃音據詳丁憂經臣  
皇上另疏

題報在案查浙省藩司事務繁鉅吏役巧詐最難得  
人荷蒙

皇上慎重揀選簡用張元懷來浙任事甫及兩月看其  
才識明白居官勇往雖志大心高尚欠老練穩妥

硃批諭旨

五

三

李

衛



然一切事務俱能立意要好若再加學習一二年  
間卽南方大省巡撫之任亦堪寄託今綜核漸有  
頭緒遽爾離任實爲可惜但藩司係旬宣大吏非  
臣所敢擅請可否仰邀

皇上天恩

特頒諭旨俯准張元懷給假三四月仍令回浙任事俾  
臣得以協力共襄公務不惟於地方有裨又可操  
練素理繁治劇之員以仰副

聖主愛才若渴之盛心現在浙省署臬司劉章新到鹽  
道王鈞爲人忠厚二員於本任之事已多難以兼



顧糧道朱倫瀚雖有徵收漕務之繁年內尚不押  
運過淮是以臣暫委代辦一面卽令張元懷星速  
起程庶免來回遲誤合併聲明伏祈  
睿鑒施行謹

奏

所請是候另旨諭部給假

雍正八年九月初六日浙江總督管巡撫事在任

守制臣李衛謹

奏恭請

皇上聖安

硃批諭旨

五

三

李衛



朕躬已全愈矣俾卿知而慶喜謝鵬醫學通達甚有可  
取其年力精神雖非御前供奉之才然醫治宮廷內外  
儘堪奏效於初到時備述卿遣伊來京之由朕聽聞之  
餘不禁爲之動心斂容今暫命南旋令其了畢家務卽  
詣浙將卿餘證調理痊可必俟平復如舊然後具摺請  
旨送伊北來特諭

同日又

奏爲覆奏事竊照浙江學政顧仔到浙以來聲名不  
好歲考紹興府發案後街衢遍貼匿名揭單開指  
該學政新進文武童生得銀等款雖未可遽信因



有關學校經臣具摺

奏明弔取所指有名之人考驗學問騎射果有實弊  
再爲具疏題叅臣於江南回署之後密行紹興府  
將新進文童鈕吳武童黃尚義押送到省考試文  
章弓馬兩次覆試俱屬將就去得經臣細訪雖係  
年少傲倖入彀尚無受賄夤緣情事是以未行叅  
劾但浙江大省士習初轉全賴學政維持風教整  
飭振興今顧仔雖無賄賣營私之處然關防不嚴  
縱子招搖且不能約束衙役致有索取進學生員  
小費如此舉動行事實爲難膺斯任臣謹據實覆



奏恭候

聖明乾斷謹

奏

顧仔不宜斯任所奏是已有旨矣

同日又

奏爲奏明養廉歸補遠年庫項已清仰懇

聖恩鑒照事竊查浙省

恩賞各官養廉銀兩一案原議督撫兩衙門除養贍家

口本身用度延幕辦事外尚有各項公務之需每

處約得銀一萬兩內因總督向係兼管福建臣蒙



天恩特授浙江不爲定例是以議給一半臣祇領此五千兩以爲用度將兼理鹽政衙門前任

奏明舊存管引承差規例養廉銀四千八百兩添補湊用其議給巡撫衙門之一萬兩留存司庫因舊有無著虧空向係耗羨彌補今已提取故將前項抵完後任仍爲養廉支用等因列單

### 奏明荷蒙

聖鑒恩准著令咨部在案今浙省從前題明未完無著虧空銀兩已將存留臣巡撫衙門養廉銀雍正六七兩年分共二萬兩八年分二千五百兩以之添



補悉經全數清完咨報刑部外相應

奏明至臣每年所領之數一切本身用度俱在於此

從前將原籍所收租糧間或通融添補尚可不至

匱乏自上年進京即將所有養廉分爲署總督鹽

政二臣性桂等之用及給假回籍往來數月全未

支取其去年一切公私費用數實浩繁因將地土

典當并向本族稱貸百計那湊尚有不敷猶自支

撐奈上秋今歲臣鄉被水無收未能接濟此外辦

理公事雖舊有

奏報掣規一項原無定數約計二三千兩存貯於外



僅供江浙差巡賞賚官弁盤費以及各項之需可  
以無誤而本身日用延幕等件實在更為艱難故  
敢冒昧於

聖主之前歷陳實情查巡撫衙門養廉之銀議抵庫項  
應支領者此奏朕甚嘉之將前所典當稱貸之項一  
償補清楚再歸司庫何至誤公朕意即前項清楚後亦  
可不持之日仍行辦公酌用出自  
皇上天恩非臣所敢希冀也為此具摺  
歟誰無耳目卿之操守廉隅豈猶不足以厭衆論耶遵  
旨行毋違  
奏  
睿鑒施行謹



覽

雍正八年十月二十日浙江總督管巡撫事在任  
守制臣李衛謹

奏爲恭報浙屬通省豐收歲登大有事竊照全浙今  
歲早禾收成頗好經臣歷次分晰

奏報因天時未能預料不敢以十分期必遽爲滿足  
之言茲當秋成旣熟萬寶告登各屬晚稻於九月  
中秀實之際間日時雨滋潤長養穀粒飽綻續後  
連日晴明天氣和暖刈穫登場每穗所得米數多  
於往年卽溫台海邊些須塗田收成轉移亦有七



八分者計畝無多合之通省晚禾實爲有十分豐稔此時陽春應候播種之豆麥生意萌動土膏滋培米薪蔬菜雜糧食物價值無不平減民間各有歡欣鼓舞氣象急公完糧爭先輸納通屬七十七州縣中地丁錢糧八九月內全數通完者已有平湖嘉善等一十六縣其餘尚有路遠未及報到者歲前通完必多更逢久晴鹽場土滷廣出前奏上掣產鹽畧少除正額外約多引目八萬今已共有十萬之數目前下掣更勝現在各項存貯竝鹽義倉米穀連年節次積儲上屆歲底盤查共已存有



一百四十餘萬雖每年出陳易新但爲數旣多南方潮濕恐難久貯臣更不敢以旣有儲蓄歲復豐收遂忘預備爲長遠之計業經遵照原案已共育諭旨仍酌動本款補漕銀三十萬餘兩分派各縣過半就於本地乘價賤時買補收貯并委員前赴外省成熟之處分頭購買於省城永濟倉酌量存厥俟買回新到米穀於來春將相近水次地方之久頓在倉者推廣

皇仁愛民盛心可否運往淮宿一帶分發今歲被水各州縣令差員押送到彼會同該處有司等官量減



命回平糶接濟民食將原價帶回存庫來秋探實豐登  
皇之所買運還倉一轉移間不過畧費人力兩省均  
屬大有裨益如果可行客臣將彼此價值遠近運  
脚逐一查明分晰定議出入相當不致多虧再爲  
題報始敢辦理陸續撥發合先附陳請

旨伏乞

皇上睿鑒批示欽遵謹

奏

此舉有益允屬應行詳查妥議具疏題請

同日又



奏爲恭繳

御批事本年十月十五日臣前差把總齎捧

皇上發回原奏摺匣到杭臣跪領敬啓伏讀

硃批諭旨欽蒙

天恩宣示

聖躬萬安中心歡忭額手加慶又沐

溫綸垂問臣身跪誦之下感深刻骨竊念微末之軀無

關重輕先荷

皇上以臣尚有餘恙將醫生謝鵬

命回於十月初四日到杭當據傳示雍正八年八月十



九日面奉

聖諭臣望

闕叩謝益深惶悚自顧何人上煩

宸衷眷念至於如此雖竭蹶致身全家報效亦不足仰

酬

高厚於萬一謹遵

旨令謝鵬診視調治現在浮游之火漸得清理而本證

一時尚未能盡除日逐照常辦事未敢怠忽更當

仰體

聖心加意節慎以報

硃批諭旨

五

三

李

衛



天恩所有奉到

批回原摺理合恭繳又謝鵬遵

旨回奏一件附摺進

呈如或但有可供差遣之處

諭旨一到卽令赴京聽用爲此謹

奏

謝鵬此際都中竝無急用處務俾將卿調治霍然全愈  
具摺陳明得旨後方令起程至於辦理事務須量力而  
爲不可強費精神事過勿留虛靜調適如案牘繁雜堪  
委屬員代勞者何必逐件躬親竭蹶耶若不欽遵朕旨



節慎愛養則違迕莫甚於此必依訓諭一一循行方爲  
仰體君心克報知遇也

雍正八年十月二十八日浙江總督管巡撫事在

旨咨任守制臣李衛謹

奏爲遵

旨覆奏事雍正八年十月二十七日准兵部火票遞到

大學士公馬爾賽等寄字內開雍正八年十月十

二日奉

上諭今因固原提督員缺一時不得勝任之人意欲令  
崇明總兵官李燦前往署理其崇明總兵印務著吳

殊批諭旨

五

三

李

衛



進義署理黃巖總兵印務著瑞安協副將黃有才署  
理爾等可作字詢問總督李衛若李燦能勝固原提  
督之任著李衛傳旨卽令李燦來京陛見竝令吳進  
義黃有才各赴委署之任其副將以下等缺卽著李  
衛遞行委署若李燦不能勝固原提督之任著李衛  
速行回奏欽此遵

旨寄信前來等因到臣臣欽遵查得新調崇明鎮臣李  
燦人頗明白遇事向前凡整頓營伍訓練兵丁俱  
能不辭勞怨惟該鎮自入仕途歷任皆在浙省沿  
海之缺陞轉雖籍隸山東而陝甘省分聞其未曾



聖明到過若辦理彼處事務諒不致有貽誤誠恐於地利形勢營制兵情諸務難得一時熟悉固原邊疆重鎮員缺最關緊要非係平常可以試看地方臣不敢冒昧信其卽能從容勝任查該鎮據報於十月十六日領到部劄十八日自黃巖起程順看西洞裏市沿海一帶地方不日來省赴崇任事之後卽欲請

旨陞見但現在崇明有吳進義署理尚屬相宜臣謹遵聖諭隨差人迎去飛催李燦到日卽傳

旨令其星馳兼程赴京計期二十餘日可到恭候



皇上聖鑒察看其人才具能否稱職日可任恭  
是欽定施行再臣細思對奉勅諭日昨轉奉能勝同願

皇上任用大員其難其慎之盛心稍有所見何敢不竝  
列附陳如福建陸路提督石雲倬人雖不無冒戇  
而果敢向前曾於西邊行走帶兵出口自必熟諳  
情形今在閩海蠻野之區未見其長泉州重地如  
能得人石雲倬與北方相宜又大同總兵馮允中  
生長西北在外多年為人謹細辦事勤慎臣不知  
此二員已曾與廷臣商及俱屬不可動移者  
其近日有無過愆抑或原係緊要地方難於更調

聖明白必洞鑒臣復查得新調江南提督王紹緒於前



任浙江太湖營遊擊湖協副將時俱曾為臣之屬

奏員知其人器量褊小調度平常恐舊習未除到來  
俟伊到任後再看

難勝上下兩江鉅任浙江提督萬際瑞近日收斂  
改革而材具平庸僅能備員無他裨益可否將李  
燦暫老其才以備將來兩處設有缺出之用臣可  
保其於江海刁健地方尚能整頓有為不致措置  
失宜有負職守也至瑞安副將黃有才係從臺灣  
陞補過海守風路程遙遠到任尚未有期黃巖要  
地該員驟膺大任雖一時未能放心但於浙省洋  
面營伍原係熟諳臣現在斟酌委員暫行護理鎮



務一面飛催黃有才星速赴浙到後卽令署理仍  
當加意稽察教導辦理不致有誤爲此具摺  
奏覆伏乞

皇上睿鑒謹

奏

覽

雍正八年十一月十五日浙江總督管巡撫事在

任守制臣李衛謹

奏爲遵

旨奏聞事竊臣欽奉



特旨命臣將福建福寧鎮總兵官員缺於江浙二省副

將中揀選一員奏

聞令往署理其副將等官亦令遞相委署奉

命之下敢不盡心揀選以期仰副

聖明委信之重緣浙屬副將除已蒙

皇上擢用之數員而外現在杭州象山瑞安三協尚係

缺官未到嘉興係總兵官施廷專管理湖協范宗

堯爲人狂妄恐其專恣無忌紹協宋愛初到辦事

已見平常台協顧弘亮雖居官小心嫌於軟弱才

具亦短金協烏麗珠人頗勇敢但覺仍帶粗率尚



須大加歷練將來可以任用嚴協劉朝隆人甚老  
實而目不識字且不服南方水土時常多病僅堪  
北地將領之職樂清協王璉雖久於營伍頗覺老  
練而才具祇屬中等難膺重地大缺衢協周騰鳳  
人尚明白舉動謹細經臣等奏請調補杭協兼管督標中軍試用尚恐人過和平  
未能必其即可勝繁劇之任何敢遽以要鎮請試  
聞令其下江各副將中除鎮江軍標之楊寅現在被叅  
江寧協未報到任京口水師蔡勇又係閩籍長於  
水務非陸路此缺所宜兩江督標中軍王英辦事



庸鈍甚屬糊塗漕標中軍馬義才具稍粗措施平常河標中軍許大學漢仗弓馬俱好而識見淺窄辦事疎畧止可再加習練徐圖後用以上兩省各員臣逐一斟酌較量再三思維此中浙江平陽副將馮吉品人頗正氣雖畧覺粗直久歷京營巡捕將備誠實小心比之諸員歷練稍深尚可放心已經另爲具

題請

旨暫署試用竝將副將以下遞相委署者一并附疏聲明但本內若將各副將逐名敘出指摘其短長則



伊等俱係大員恐難彈壓地方且內中尚有堪用者自應留其餘地以策勵其黽勉之心伏思皇上慎重用人凡副叅等第考語俱令各督提密咨兵部臣敢不仰體

聖懷具摺

奏明以備

皇上鑒定酌取爲此謹

奏

所奏是當之至馮吉品惟一俗字不除耳此外俱堪將就具題到日有旨



雍正八年十二月初四日浙江總督管巡撫事在

任守制臣李衛謹

奏爲恭陳勘過海塘近日沙漲穩固情形上慰

聖懷事竊照浙省寧邑海塘潮汐靡常屢厓

宸衷頻年修築時頒

諭旨令臣民務竭誠敬以期感格

特發內帑十萬兩創建

海神廟宇祈福祐民萬姓歡呼無不感戴祇緣從前

南岸日漲上年又有中流沙埂橫踞阻塞以致潮

頭東進尖山直趨北岸晝夜兩次搜啗塘根坍埝



接踵臣回任以來因地制宜悉心籌畫加築盤頭  
以遏水勢搶修險工以固塘身添砌大石坦水增  
培後護幫堤設官安汛不留餘力更復博採輿論  
重修鎮海塔鑄造鐵犀牛以符五行生尅之理本  
年春夏雨水畧多潮汛雖仍洶湧江流勢若建瓴  
臣親往致祭虔禱祈求嚴督工員竭力保固仰叨  
皇上福庇夏杪秋初鹹水上滾淡水東注已將蜀山南  
岸漲沙逐漸洗去入冬以來潮勢更覺變遷近則  
中流沙埂每聞坍卸聲若雷鳴潮從東南向西海  
面較寬不致直侵北岸工程俱得安穩據各工員



紛紛具報臣於十一月二十七日又赴塘工答謝  
神貺并勘查廟工目擊縣東三里橋至念里亭止約  
程二十里中間漲有底沙其貼近塘脚潮退小汛  
竟能顯露縣西新倉起過東約程四十餘里新沙  
漲濶高阜之處潮退可見約濶四五里不等惟尚  
存貼塘水道自北至南寬有三四里潮退止深一  
二尺可於水中行至新沙之上逐漸見長目前已  
有一半貼護塘根若再漲阜過東則所築全塘百  
里堤岸直抵尖山更得永固矣其廟宇工程基址  
俱已築平圍墻門面樓房業皆建立止須湖廣之



木并白石大柱一經運到則正殿新春即可上樑  
目下正值天氣晴和不但工程可以趲辦而民間  
礮米輸糧貿易趁食之輩俱得及時力作臣前摺  
所陳丁地錢糧全數通完十六縣之外今已報到  
共有三十一縣此誠

皇上至治翔洽是以熙皞成風也理合附摺陳明仰慰  
聖懷謹

奏

海塘工程穩固情形以手加額覽焉

同日又



奏爲恭繳

御批叩謝

聖諭事本年十一月二十五日臣跪領

皇上批回原摺一匣於繳

批摺內荷蒙

恩諭命臣加意調理指導量力辦事過而勿留委曲周  
摯無微不至叩誦之下鏤心刻骨感戴難名自顧  
才力粗疎而所兼荷者皆係

皇上封疆重寄倘有一事未經親歷誠恐錯誤難安是  
以晝夜竭蹶不遑乃蒙



聖恩體恤訓誨至於如此今交冬至以後畧覺漸好敢  
呈上不遵重寄諭旨一事未盡詳陳恐難安呈

旨節慎愛養一一循行以期稍報

高厚於萬一也至倉穀轉運一事欽奉

恩批此舉有益允屬應行詳查妥議具疏題請欽此近

據領帑赴買各員已有報到購就運回請咨驗放

過關者將來雖難必其儘數買足穀石而米稻兼

聖旨收或可多得臣現在一面遵

旨先行具題一面飭行司道將舊日各案存倉之項酌

奏量附近水次之處分派數目預行備辦船隻選擇



委員於來春陸續撥運視江北山東接界黃運兩岸可通舟楫食米地方押往會同有司轉輸平糶至於今歲偶被水災州縣衛所業蒙

皇上大沛殊恩蠲免錢糧并及例不並蠲之漕米亦行分別豁免緩徵且又給發帑銀動支倉穀分差大臣蠲賑並施於兩月之外更加一月而大小口之米數多增至半

聖澤皇仁周徧深厚至矣極矣惟是地方廣濶人戶殷繁饑民入冊難免無遺漏之虞現在鄉村僻野頗有乘機誘衆口稱借食扒搶雜糧者紛紛據報成



案不一而足在首先起意棍徒實爲可惡而無知  
被誘一時隨行實繁有徒且多係本地莊民槩置  
大辟不可勝誅若稍爲從寬旣恐惡風漸長聚衆  
爲害又慮州縣借以諱盜縱惡養姦大有干係臣  
與江南漕河督撫提諸臣公同密咨商酌先派文  
武彈壓加意巡查嚴禁防範有犯卽行勒拏確審  
除刦財傷人各照盜搶本律外其餘素不爲匪偶  
因饑餓所迫止曾隨同扒糧者酌量情罪輕重分  
別首從卽時嚴加發落將已甚者杖斃一二以示  
創懲但淮北山東交界處所連歲微覺薄收夏秋

是



被水今冬已賴

皇恩賑給開春青黃未接之時不無乏食窮黎更覺艱  
難尚須設法安頓乃聞被災臨近接壤地方有麥  
秋兩季合縣統算僅能三四分年景其中亦有高  
下苦樂之不同竟作七八分收成匿報者又兼各  
官迎合上司駁詰刪減饑民戶口太甚間有密諭  
文武屬員凡遇外來就食之人槩行驅逐而被災  
本處誠恐敗露前情更將漏報饑民攔截不許他  
往雖據紛紛傳說未必盡實且救荒之道自古原  
無善策但立法未妥以致饑民無處投奔或至激



生事端不可不爲之慮緣關地方近日情形不敢

畏嫌隱諱冒昧直陳伏候實且效荒之苗自古

聖明鑒照再加訪查

乾斷施行所有奉到

批回原摺理合恭繳爲此謹

奏

此奏朕深爲嘉與但地方一遇荒歉散賑之際種種浮

議在所不免而東省民情又復愚魯不尚廉恥未便明

降諭旨滋長刁風致令州縣有司難以辦理亦惟有多

運米穀遴選可信大臣命往監查協辦并密諭該督撫



秉公詳審糶賑兼施以救濟之此外實別無善策敬候  
上天慈佑來年氣候潛轉歲事更新民生復業時則地方  
大吏以及牧令各員某優某劣孰貪孰良皂白自分妍  
媸亦難掩也

雍正九年二月二十日浙江總督管巡撫事在任

守制臣李衛謹

奏爲奏

聞事竊臣因江寧移調乍浦水師滿營官兵於上年十  
月到浙雖經安頓駐劄而時屆歲暮諸務畢集未  
能親身查看今戰船俱已造竣駕乍候驗又嘉所



冬季官引餘鹽不曾掣竣現在浙省撥運淮北山東交界平糶米石准兩江督臣高其倬咨商乘便抵賑恐往返行文稽遲情形難以盡悉而高其倬新到路遠故臣於二月初二日乘自杭起程赴嘉所驗掣之便先行知會江蘇撫臣尹繼善於初五日以至兩省交界之平望地方面議派撥米石以及撫恤流民懲創扒搶并松江海塘各項事宜初六日回嘉掣鹽事畢就近前往乍浦會同副都統富參閱看滿兵水操若在岸上礮樓遠觀恐兵丁未能實見其技臣隨同坐戰船出洋面三十餘里外



聖恩操演雖管駕折戲尚係綠旗兵丁著力而滿兵在  
船施放火器舒展自如巨浪顛簸竝無畏怯吐暈  
皇王之狀於旋繚等項扛具學習亦皆諳曉其能扒桅  
升高者共有四十餘人卽江寧新到之兵亦有十  
二人能習此技各兵無不踴躍爭先臣將所備銀  
牌錢幣各加犒賚勉其益當習練上報

皇恩卽從便道至平湖海鹽二縣交界沿塘勘視新開  
白洋河道酌議再加疏濬深通相其土塘低薄之  
所添築石工以障外潮此河開成後沿海曠土皆  
得資其灌溉可成稻田者約數萬畝於百姓有益



隨旋至海寧布政使張元懷亦到協同查看廟工

十五日早虔祭

海神因春月雨水調勻南岸未得坍卸故北首漲沙

暫停照舊而潮勢大溜歸中春汛塘工平穩將沿

路稍有低薄者飭催在工各員加謹趲築預備料

物以爲夏秋防禦本日卽抵省署隨淮江南督撫

二臣咨會淮北一帶地方荷蒙

皇上格外洪仁

特旨加賑撫臣議於前撥浙米內截留數起備賑臣思

聖恩廣沛加惠災黎惟在米到迅速使之早霑



皇仁方爲有益況浙米原係在省永濟鹽義二倉儲蓄  
備賑者兩省均屬

皇上赤子本無岐視前因聞得山東已經撥運及截漕  
共五十五萬石之多接濟久不見有回信知會故  
於前請二十萬石內先運十六萬已經陸續撥行  
目前頭撥可以抵淮而江南揚州鹽義倉穀石因  
現在船少輓運稽遲恐誤急需一面飛移江省督  
撫差員沿途趕幫傳諭不拘何撥之米先將清江  
以上各州縣路遠難運者卽截浙米留賑其與揚  
州相近諸處再用江省鹽義倉穀撥運庶可早到



其緩運之四萬石內因續有船至故又裝米二萬  
餘石趕運前往除賑糶數目俟江南督撫二臣派  
撥事竣另

題外合將<sub>臣</sub>因公赴所屬地方查勘辦理各情由先  
行奏

聞至<sub>臣</sub>自杭嘉一帶經由處所目擊豆麥青蔥田疇墾  
闢雨水及時人民悉皆歡欣樂業共慶昇平合併  
陳明上慰

聖懷謹

奏



覽奏所辦各事宜并杭嘉一帶雨水田疇景況朕懷曷  
勝欣慰

雍正九年三月初七日浙江總督管巡撫事在任

守制臣李衛謹

奏爲遵

旨具覆事竊臣查鄞縣知縣鄭大德在京掣籤時條奏  
前任浙江山陰縣徵糧造冊及原籍江南如臯縣  
私派飛差二款奉

旨鄭大德原摺交與李衛欽此臣隨將如臯縣私派飛  
差一節密行江蘇布政司確訪查究去後先據該

殊批諭旨

五

三

李衛



司高斌覆稱臯邑從前原有雜派自康熙三十七年禁革復經現任知縣彭履仁於雍正七年到任時悉行詳禁現在實無派累等因經臣分晰嚴駁併令鄭大德指明確實申覆續據鄭大德詳稱臯邑康熙三十七年以前有一差出俱係各里長先行應辦派之各戶名曰硬擡是年禁革之後差歸官辦每年計田一頃捐銀一錢亦有派至二三錢或四五錢不等總歸經承催收名曰軟擡歷年不改雍正七年四月內卑職進京補選現年有無派累在所不知其從前各年俱有經手書役姓名開



報前來復又批司就近親提嚴審追弔底簿確核  
派銀應差用存侵蝕數目開冊具報茲據該司高  
斌審詳取冊呈送臣復加察核臯邑額田三萬八  
十三頃有奇除濱海竈田及紳衿優免不派外實  
田一萬八千頃零康熙三十七年以前地方公事  
按田派日充當竟有硬擡之名其遠年派數若干  
日久已不可攷至三十七年禁革以後改爲輓擡  
之法公事歸於官辦銀兩出自民捐每年視事務  
之多寡爲重輕無有定數雖較前民累稍甦而每  
頃猶有五分以及七八九分一錢不等臣以所供



仍未足憑信兩次駁追簿籍確據歷年雖不齊全而繳出者亦有八年此皆現在之員因非其任內所派不復代爲前官隱諱故爾竭力追出其間派收數目似屬可憑但核其支銷款項如最少之八百九十餘兩至多之一千九百餘兩各止一年其餘每年皆係一千餘兩以至一千二三百兩不等據冊開報悉皆支辦公務竝無餘剩其中固有實用之項而浮多冒開者亦復有之但自康熙三十七年至雍正六年共計三十餘年官皆離任役多物故難以盡爲追擬且係積年相沿陋弊可否仰



邀正

年

未

宗

肅

宗

肅

皇上天恩免其究追已往嚴禁將來非臣所敢擅請至

皇上所稱雍正七年知縣彭履仁到任後卽行詳明徹

底革除之處雖查有原案可據但臣察其從前支

用公務冊內如每年修理城垣倉庫添補不敷因

糧等項皆係必不可少之公事若果盡行革除則

目前兩年之中此等事務豈皆停止不辦若謂盡

出官捐則州縣養廉本無餘剩家口何從贍給此

臣揆情度理而不敢信以爲盡實者也伏惟

皇上聖明無微不照州縣地方原有應辦公事不出於

殊批諭旨

五

五

李

衛



皇上官卽出於民江省未有備公銀兩辦理若不酌量區處誠恐雖有禁革之名而公費無出不免陽奉陰違民間仍受輪充派擾之累可否仰請

聖主敕下江蘇撫臣尹繼善將冊開費用款項逐一核實浮冒者永行禁革其有必不可已公務作何分別留存些須抑或設法於公項抵補使里民不受偏累而要務亦不致廢弛庶於

皇上大中至當之政治亦可以仰副而無悖矣至鄭大德所奏山陰縣錢糧從前竝無實徵花名底冊致有五年未完請飭編造花名確冊等因臣查浙省



地方從前以里書管冊催糧弊端百出積欠纍纍  
臣因此竭力訪察設法清釐於雍正五年間

題明飭造順莊一併交與清查官會同有司於保甲  
煙戶的名住址冊內將本人產業在各圖各甲瓜  
分辦糧詭名寄戶者一併歸入本戶挨順造冊發  
單滾催使同里熟識之人彼此傳知依限完納則  
戶冊瞭然完欠分明數年以來各屬亦有實力奉  
行者錢糧於

奏銷前通完甚多山陰一邑近因花戶細冊編造清  
楚雍正五年以後錢糧俱已全數通完現任知縣



沙漢黿已於帶徵雍正三四等年舊欠錢糧通完  
奏案內部議優敘卽陞是鄭大德條奏山邑從前不  
造的名之弊先已改正革除但通省之大誠恐別  
縣尚有歷任才短辦理未協陽奉陰違者臣現在  
設法委查加意釐剔相應一併陳覆竝將查到如  
臯縣歷年收支各冊結全錄敬本只錄則茲冊錄

呈仰請

皇上睿鑒施行謹

奏

覽奏俱悉如臯縣各項公務支用作何設法抵補之處



密與高其倬尹繼善商籌辦理以甦民困

天監雍正九年四月初二日浙江總督管巡撫事在任

守制臣李衛謹

奏爲

天恩高厚臣分難安懇辭議敘以盡職守事竊照淮北

地方去年數郡被水荷蒙

皇恩蠲免賑恤至深且渥偶因歲暮雨雪凍阻被災各

屬常有借端扒搶米糧之事臣恐今春青黃不接

時米價或有高昂是以仰體

皇上如天之仁請將浙省應需出易倉米運往彼處減

硃批諭旨

五

五

李

衛



皇上價平糶稍爲接濟緣濟寧州以南黃運二河兩岸  
江南山東地方犬牙相錯不便岐視東民專糶江  
省且彼時尚未知米穀之事恐令春青黃不計  
皇仁已經連次廣沛又有截漕撥運動支倉穀多至百  
萬加賑山東之信故前於所運米內先後分撥七  
天恩萬石於山東交界各縣一體平糶此皆職所當行  
奏稍盡寸心何敢以辦理爲是乃蒙

皇上特加殊恩

天語褒獎謂視國事如家事臣心已極惶悚又復  
敕部議敘更加愧赧跼蹐伏念臣身受



高厚隆恩畢生難於報效偶辦一事不過遵循  
皇上德意若因此卽荷優敘職守所在何敢承受伏祈  
聖主鑒臣愚戇之衷

恩准辭免庶臣寸心畧得自安而頂戴不朽矣再浙省  
春月豆麥發生甚是茂盛惟民間食米向來半藉  
上江運漕地方并豫楚客販接濟今歲鄰封之江  
北河南往彼搬運甚多價值漸長現在臣將本處  
各縣遵例撥動倉穀分廠平糶不致過昂其杭嘉  
湖三郡專賴育蠶獲利目前雨水畧多仰邀

聖主福庇

殊批諭旨

五

五

李

衛



神明慈佑從此晴暖二十日則蠶事春熟俱可望其全

收本年更得豐裕矣合併陳明爲此謹

奏

覽

今歲以直隸膏澤霑足景象觀之南方多雨之地二旬  
晴暖恐未可必也

同日又

奏爲再行陳明請

旨事竊臣因浙省公務殷繁現任各員不敷差遣委署  
之用已於三月初二日以懇請揀發試用人員等



事具疏

題請在案但有不便冒昧遽入題本之處敢再瀆陳  
天聽伏查浙江原屬刁頑之區非同別省淳簡可比邇  
年以來臣於地方風俗設法勸懲宣布

皇上教養兼施恩威並濟德意逐漸化導囂悍之習頗  
能改革知縣以新舊錢糧全完不論俸滿議敘卽  
陞者疲邑竟有數人是民情正在轉移之候必使  
之從此服習再得二三年方可立定根脚不爲舊  
染變遷但除能員陞任及現在稱職之外各屬知  
縣中求其辦事妥協者不可多得而初任試用之



員常有於吏治民情全然未諳只得凡事同司府  
代爲辦理并再四教導改補調用雖學習漸諳亦  
有其人而委任每不敷用若止照前疏統於部中  
請發人員則近年各省陳懇揀選甚多一時恐難  
有人上煩

聖慮不得不於試驗熟悉堪用之中舉其所知請留委  
任如卓異案內常山縣知縣先陞行人司行人王  
瑋實心辦事勇往向前嘉興縣知縣戈鳴岐雖非  
長才而勉勵勤謹蘭谿縣知縣胡啓敏歷練勤慎  
明白小心常山縣縣丞董懿辦差急公人頗有才



又奉文陞任各官內如嘉善縣知縣郜煜已陞中  
書科舍人雖心地稍偏而辦事亦勤漸覺熟練金  
華府通判于文燐挨陞平度州知州久任浙省人  
頗勤慎以上各官現今交代將完俱應給咨送部  
先後引

見仰懇

聖恩鑒其才具可以何官補用仍行發回浙省候補庶  
輕車熟路可收臂指之助臣再加思索記憶向在  
雲南任時有奉差頒

詔之禮部漢軍筆帖式趙國政住滇半月看其人頗明



白論事稍有才情今不知現任何官倘蒙一併發  
浙酌量差遣委用可望有濟又江南陽湖縣舉人  
黃雲於前任鹽臣謝賜履任內聘取修輯鹽法志  
書臣到浙後事竣卽留在署教讀知其人品方正  
不苟才識尚屬明白近因揀選班次將屆部文截  
取候選知縣可否給咨於送部引

見後准在浙省補用伏候  
聖鑒欽遵再臣仰見  
皇上矜惜人才每於註誤廢員畧有一節可取者  
恩賜甄錄是以天下臣工咸知感格奮興各思勉勵查



皇恩江蘇註誤廢員中有能辦事者已蒙  
皇恩破格收錄復用今浙省不敢卽請酌補授職惟遣  
派令其出力如臣昔年奉差深知有原任山西平  
陽府同知議敘副使道職銜潘樾先因註誤革職  
追賠錢糧近見邸鈔已蒙

恩除完過外餘欠豁免其人明敏幹練雖非中正純品  
而才堪肆應駕馭用之可以有爲又原任冀州革  
職知州林緒光係前任平湖縣內虧空調回擬罪  
又原任桐鄉縣知縣捐陞主事同知革職金泰因  
前任署秀水縣內虧空擬罪兩員除已完外俱在



浙監追未清那移民欠銀兩今皆蒙

恩旨豁免飭將林緒光寬釋金泰解部杖責發落但二  
員年力富強明白歷練林緒光前在任時頗有頌  
聲金泰雖心地難保而稍有敏才又原任雲南騰  
越州革職知州王林臣前任滇南時知其人亦勇  
敢因擅買民人叅黜前年臣在

宮門伺候常見其人似有痛悔改革之意問知現在  
拜唐阿差使處行走以上各員俱係獲罪之人倖  
蒙

聖恩寬免臣不敢擅請甄錄但其才尚堪用竟置廢棄



亦覺可惜若於繁難艱苦之事止量給盤費差遣  
出力看其如果改革奮勵實心報效再爲分晰請  
旨定奪則現在亦可收其奔走之勞於政務不無有益  
天臣因地方公務過繁實在委用缺員每至辦理掣  
肘故此冒昧臚列具

奏是否可行恭請

聖訓指示欽遵謹

奏

所請各員候另旨諭部

雍正九年五月初六日浙江總督管巡撫事在任



守制臣李衛謹奏  
奏爲奏

聞事本年四月二十一日巳時恭逢

欽建海神大殿上梁吉期臣隨率同藩司糧鹽二道預

奏期前赴海寧工所是日天色晴朗淑氣和煦正殿

寢宮大門二門併

天后宮五處正樑同時竝上人力齊集應手安平闔

目家縣紳衿耆老黎庶工匠人等無不額手慶幸商賈

居民張燈結彩鼓吹三日僉云感謝再爲合謝

高厚隆恩叩祝



聖主萬壽無疆臣目擊民情切摯相應恭摺奏  
聞至臣於二十二日虔祭海潮昭宣  
皇上德意查閱塘工情形現在西塘南沙已徙潮歸中  
流各工鞏固其東塘因蜀山之外復有新漲南沙  
潮湧北岸勢頗迅急目前搶修堵禦正在上緊趕  
工臣逐條指示飭令在工各員將刷動坦水椿木  
速加修砌其頂衝工次勒限添築務於夏秋汛前  
趲工完固總在時時留心不敢懈怠再上游山田  
種植早禾者十之三四俱自清明後至小滿前陸  
續插秧今歲早種者已先發生遲者亦逢和暖滋



長惟中間有十餘日所種適值天氣微寒未能透  
達幸節氣尚早隨令另換中晚之禾補插此惟衢  
州寧波爲然金華次之嚴州甚少別府稻苗俱好  
臣已星飛飭令地方官徧行查勘其實在無力趕  
辦新秧者量借倉穀幫其工本徧令插種不許缺  
少致有空隙秋成交還令據所報皆已補種全竣  
而浙西三府晚禾現在前後插秧日今雨水甚是  
調和其春熟中菜子蠶豆俱有十分大麥九分小  
麥八分咸稱豐足而杭嘉湖各縣民多育蠶紹興  
望亦有今歲桑葉價平小民頗省工本除過早者稍



遇春寒所收七八分畧遲者皆得九分十分晚者  
更盛現在縑絲變易完糧民力皆得充裕歡忻鼓  
舞至浙省運往江北之米共十八萬四千餘石仰  
皇上福庇涉歷黃運二河俱得平安直達正遇倉穀空  
乏未到雜糧長價小民艱難之際浙米至後頓得

平減億萬生靈保全甚多莫不感戴

凡有益於民生之務不知則已業既知之未有不殫心  
皇仁歡聲載道仰惟  
盡力而思汲汲爲之也朕深居九重尊臨函夏所恃以  
聖心軫念民依合併附摺陳明上慰  
不愧黔黎者惟此憂勤之一念耳  
睿懷謹



奏

齋摺人來聞卿脾胃失調且舊疾業經醫治多時未知  
目下俱已痊愈否可傳諭謝鵬將卿體近日情形詳細  
具奏以聞

同日又據驛司司馬王鈞已蒙  
聖鑒欽定事竊照浙江鹽驛道王鈞已蒙

特恩超擢京職所有員缺奉  
旨著臣揀選具題伏查道員位居監司鹽驛職掌重任

微臣愧無知人之明荷蒙



聖恩如此信託曷勝感戴悚惕敢不詳慎選擇今浙省  
知府中才長而能辦事者雖有數員或本任原屬  
緊要或清操未可深信於鹺務不甚相宜惟溫州  
知府江承玠其人性執拘謹似在次等之列然小  
心誠實出納謹慎且世業行鹽曾委代掣并管理  
台場利弊頗稱熟悉家道素豐操守亦可放心除  
另行具本請

旨外所有揀選該員情由疏內未便瑣陳相應恭摺  
奏明伏祈

睿鑒欽遵爲此謹



奏

揀選甚屬妥協江承玠洵與此任相宜具題到日有旨

同日又

奏爲請定彰瘡之鉅典永垂萬世臣鑒事竊惟忠孝

本自性生而善惡亦由觀感臣幼孤失學不習章

句緣從母命訪擇塾師僅能講說通鑑粗知古人

行事於公正光明者願爲執鞭姦邪傾險者起而

按劔自少至今此心不易迨入仕途出差往來各

省經過之處見廟宇最多崇祀最廣深山窮谷所

聖恩在有之者莫如



關聖世人無賢無愚若老若幼畏敬遵奉津津在口  
他如張良馬援諸葛亮郭子儀張巡許遠韓愈岳  
飛諸人其專祠不過數處然在人耳目之前故邊  
鄙庸夫俗子猶有傳述美名者此外如臣幼時所  
聞忠臣烈士不但祠宇寂然卽問其鄉人非讀書  
者亦竟不知其姓名矣及後奉

命莅浙惟以賞善黜惡振作人心使之知所懲勸改移  
積習故於前賢芳躅姦慝遺蹟常加採訪乃從前  
仕宦在浙如李泌韓世忠文天祥海瑞等舊有祠  
宇又生長在浙如褚遂良顏真卿陸贄方孝孺于



謙王守仁等因其現有廟祀知者猶多若李德裕  
李綱張浚陸秀夫張詠等俱筮仕此邦許善心顏  
杲卿趙抃宗澤張九成趙鼎徐應鑣王禕卓敬章  
綸等皆長育茲土其忠節事業亦復表表而士子  
以外悉茫然不知爲何許人又浙產中元姦巨憝  
如賈似道史彌遠湯思退趙文華輩以及仕宦於  
浙之韓侂冑等類亦多不曉其鄉貫行徑卽志書  
中向止有善無惡未嘗表暴其姦惟見杭州棲霞  
嶺下岳飛祠墓之前舊有鐵鑄秦檜夫婦万俟卨  
張俊四跪像兒童婦女瞽目跛足之輩過者必以



足蹴石擊至今頭面俱損而唾罵猶有餘恨臣因  
此竊歎千古忠臣烈士與岳飛諸賢竝生一時行  
事相類而泯沒無聞者指不勝屈千古姦臣邪佞  
與秦檜諸人同惡齊等衣鉢相傳而生逃斧鉞之  
誅歿無斲棺之及者亦指不勝屈則同爲忠姦亦  
有遇與不遇幸與不幸之分又其甚者如王安石  
竊假道學之名結黨亂政青苗害及天下新說禍  
中人心遂致誤國亡宋乃因曾爲鄞令築有坡陀  
一塘竟於寧波府城建祠享祀臣前以區區小惠  
不足抵其大惡力排浮論毅然拆去似此欺世盜



名之姦臣猶竊蒸嘗於身後恐天下之大如此者  
仍復不少邪正混淆臣竊憤之伏讀雍正元年

諭旨直省分建忠孝節義祠宇春秋致祭

聖主表揚嫺善已無不至然臣竊見從前祠內止憑曾

祀名宦鄉賢舊牘循良小節亦得竝列其忠義彪

炳而子孫式微未曾呈請者遺漏轉多且地居學

宮門傍終年關閉鄉人足跡不到何由而知若姦

回諸人更無遺蹟可見似於

皇上彰善癉惡之大典奉行猶未盡善臣愚以爲古來

小忠小姦一節見長一事作惡者無關重輕姑不



具論而其中名臣大賢與夫元兇渠魁其行事邪  
正有關於國家禍福民生利害者不可不爲分別  
表暴以爲鑒戒仰請

皇上敕下史館諸臣博稽載籍將漢唐以至明季所有  
忠臣良將擇其輔政治民立身盡節功德顯著者  
列爲一編其姦讒邪佞結黨亂政傾陷忠良賣國  
求榮擾害蒼生之尤甚者列爲一編閣臣詳慎再  
加攷覈進呈

御覽欽定分爲二等行令直省府州縣除偏僻小地原  
無大忠大姦者不設外其餘就各臣本鄉及建功



殉難之處

敕建公忠廟一所不拘世次設立木主牌位書爵書名壁上鐫石紀其功績將

欽定一等者祀於堂上二等者配食兩傍春秋賜祭以示褒揚其極惡巨姦之家鄉及殘害本廟得祀

忠臣者鐵鑄其形標名於背皆跪於廟前次等者刊刻石碑大書姓名罪蹟立於廟側不拘城之內外務在人煙輻輳往來聚集之地建造俱於備公款內核實報銷凡官員到任以及新進生員入學之日必令至廟展謁平日聽憑本地士民焚香賽



祭庶此邦之官吏軍民農工商賈與夫兒童婦女  
皆知千古以來有某某爲忠良至今流芳百世有  
某某爲姦佞難免遺臭萬年當無不共爲欣羨轉  
相告戒生其好善惡惡之心堅其做法羞愧之志  
以此礪世磨鈍則百代之

君極自

皇上而建萬世之臣鑒亦由

皇上而立傳之史冊億萬斯年永遠無斁矣臣積懷已  
久而文義未深辭不達意謹抒胸臆所見冒昧瀆  
陳未敢擅用題本伏乞



聖明垂鑒俯賜採擇施行謹

奏

斯論懲姦勸忠彰善癉惡誠爲培植世道人心之美舉  
但今邊烽未熄軍需浩繁直省督撫新任者多政務尚  
欠練習稍緩數年再議建置亦不爲晚非目前急務也

同日又

奏爲備陳蘇郡營制地方情形仰祈

睿鑒事竊臣於上年九月間酌議蘇郡地方營制文武

分防一疏係臣親往與前署總督史貽直巡撫尹

繼善原任提督柏之蕃面同商酌畫一定議候其



書題始行繕疏今蒙

皇上天恩俯准所請將來巡防稽察俱有責成未必無  
所裨補但原題內因添設蘇州左營水陸防汛兵  
少未敷派撥撫標左右二營各連隨丁字識止兵  
二百九十名既有左營中軍遊擊即可管轄右營  
守備權得歸一免於敵體掣肘而右營遊擊似屬  
冗員故請裁去抵爲新設蘇營守備千總俸薪其  
員下隨丁字識跟役三十名馬十三匹向時不入  
差操者今歸於蘇營俱可得收巡防實用又緣督  
提駐劄相遠并請將城守三營俱聽巡撫專管督



率操練指揮緝捕使就近有所統屬竝非裁歸外  
營致應援之師單弱可比其間再四斟酌實係因  
地制宜之愚見今部議以各省撫標經制皆然不  
便遽行議裁馬亦停撥但他省臣不及周知卽浙  
江撫標左右二營兵額比蘇標較多二百餘名而  
原設之右營遊擊亦係奉准部文裁汰似於目前  
所議未盡畫一且蘇州城守旣准新分中左二營  
馬止四十匹撫標兩營兵少一半又無汎地巡防  
有馬九十七匹多寡懸殊況考官亦由馬兵選拔  
同居一城於營制亦似未均在臣知識淺陋前疏



所論雖是但該部覆奏朕業既依議不便復行更易莫  
若卿將此條摘出備細聲明再爲題請抑或會同高其  
倬尹繼善合詞具奏候朕酌改將來難以兼顧不得實濟徒多一番更正則部議  
所見未盡之處臣亦不敢不爲陳明也至於蘇松  
常鎮太倉所屬人心浮動喜於訛傳滋事姦盜詐  
僞賭博聚衆接踵而見全賴府州縣官實心任事  
執法究治挽回頽風今江南大員意見不符而州  
縣徇私猶然未免非臣督捕應管不便越俎但其  
中有不便隱默者如蘇州府童華一味沽名釣譽  
市恩於已歸怨於人諸凡任意故縱審案毫無實



童華朕於他處亦有所聞因其才情甚屬可取荷朕厚

恩諒未敢辜負正在疑信審度間據卿奏稱云云既如

此何堪姑留已諭部揀員更替矣新守周夢錦似可但

恐其才短而狡黠不實於此繁劇之區稱職與否實心

盡力與否俟伊到任後加意察訪以聞

密交諸事推其情面曾薦與前撫臣陳時夏同所

帶兵馬司蔡益仁勾通出入附和作弊時夏大為

所愚今則日夜出入府署童華任為耳目惟言是

聽卽如吳縣貢生王心眷謀娶族兄王興臣之女

為妾被監生程鴻儒訛詐未遂告發在府審明得

賊亂倫俱實兩造皆不請革究擬亦不依律斷離



止詳藩司求其朦朧批結及被二次駁飭通詳仍然抗違不遵又常州府同知劉紹錡等以現任官員羣聚蘇城賭博酣飲舉國若狂童華身在地方置之不問理合據實

奏明恭候

聖明乾斷再查賭博最爲民害而南方賭具多造自蘇杭屢奉

諭旨申飭嚴禁實萬世不易之美政無如江蘇府州以及揚徐等處地方官惟以回護失察姑息爲主不但巡拏懈弛轉恨首者多事每坐以別故打架挾



仇妄誣加以反坐卽現獲者亦稱偶賭飲食舊牌不全巧爲開脫童華於此等事爲尤甚遂有無恥紳衿熟識衙門照舊開場在深宅大院之中晝夜呼盧恬不知畏臣於兩省飭禁旣嚴差巡頗緊近日吳縣畧能查拏數起今街市公然聚賭者稍知斂跡而刁頑之人復又變出別樣賭法或以竹骨牙牌三十二張配合紙牌名目或用錢文跌博木刻押寶并有另製籌馬折算銀數借稱搖會賽點等項隱射問官輒以禁令不及竟自寬縱然旣有銀錢輸贏卽與賭博何異自當一例問擬庶無陽



聖明奉陰違之弊但臣未便擅專仰請

皇上作何分晰再加嚴飭俾各省畫一遵照辦理則惡習得以永除從此天下民生受益不淺矣是否有

當伏祈

聖鑒施行謹

奏

所奏甚是奉行不力寬縱之弊朕自降旨嚴加申飭其別樣賭具名色不一逐項款列亦不能該括殊覺繁碎但先將牌骰二件通行禁絕其餘雜具可一紙告諭而止直省數年以來此二件尚未能除何顏更及於他諸



凡惡習當嚴其尤者爲要

同日又

奏爲遵

旨覆奏事本年五月初四日臣標把總自京捧回原

奏摺匣隨叩領啓視內有奉

發詞臣顧成天條陳鹽政奏摺荷蒙

硃批料卿辦理鹺政自必妥協斷無因增引目而遏絕

民生之理但既有此議論發卿一看洞悉立說之由

庶便明白剖析以釋朕之疑懷耳欽此仰見

聖明睿照已纖悉無遺旣蒙下問敢不據實詳對臣與



顧成天初不相識雍正七年九月間臣給假事竣回任二十五日於丹陽途遇成天以舉人奉

召進京投刺接見之頃雖未向臣明言幫助而訴及長途盤費見不肯領畧其意遂告稱入都卽當條陳鹽政創所未行臣答以此法若然可爲則古人如管仲之煮海劉晏之度支早已行之何待今日況初抵雲南時盧詢亦曾條陳鹽井尚難看住無漏沿海數千里憑何關攔收稅之處伊初仍辨論後又理屈自愧所見未到隨贈以盤費四兩而別竊料其到京自必卽有條陳不意遲至今日也但稱



臣止答以引數所增已多稍寬則法又廢弛不便於公矣之語非但臣未向成天遁辭如是卽臣愚魯之衷稍知大體平日每以增加賦額昂價取盈斂怨於上者爲深恥當接管年餘之時知弊未深尚難釐剔迨後銷鹽日多勢無因正額已足不許商運百姓買鹽聽其食淡之理又何敢任其銷多報少瞞昧欺公故七八兩年雖曾請領餘引共六十八萬道而每次聲明懇作額外報銷者誠恐引目一增設遇未能多銷之時商民交受其困現在聖明七年之四十八萬張除隨其儘數銷過外尚剩二



百餘道咨部繳銷毫無壓派勉強可知且常時出示平減鹽價毋許高擡此卽臣不肯增引數而遏民生之據仰荷

聖明之鑒照者也至奏稱自臣更定鹽政而後竈不得私煎民不得私買網愈密而犯愈衆等語夫私煎私買之禁自古權鹽以來卽已有之不但臣謹守國家之成憲卽

本朝亦祇循歷代之常規初未嘗有所更定而謂爲法網之密過矣如所稱大舟興販往來如常等語此在昔日弊誠有之若謂今尚如此則每年正額



七十餘萬引外竟能多銷數十萬引目餘鹽從何而售蓋食私鹽者少則食官鹽者自多此明白易本見之理難逃於

皇上之洞鑒者也如所稱肩挑背負自三五十斤至數斤以內者老弱婦女悉罹於法問徒者不計其數等語查近場之縣貧難窮民許其挑鹽易米此皆聖朝軫恤深仁原未槩禁但其中豈無分別緣刁民有借以爲名零星積聚合成總數囤積秤手窩家販與巨梟者故臣於沿海近場之縣將實在無力窮民每處查報數十名取結互保給與木籌許其赴



望主場買鹽挑賣鄉村不得過額定之數雍正七年八  
皇十月欽奉

諭旨訓飭江南一例而行是所稱五十斤者原屬犯法  
三十斤者除內地例禁而外竝未盡拘至於私鹽  
不論多少擬徒原屬自古定律臣常因愚民無知  
尚於其中擇係本身買用或止於初犯者分別枷  
責發落若囤積轉販及屢犯不悛者何敢曲法徇  
縱以沽寬厚之名不謂成天轉以此爲臣咎也如  
所稱有司畏懼不敢取保文移往還累月半卽瘐  
斃等語查臣彼時已離任七月之久各官自有上



司豈皆因臣批發之故況徒犯例應收禁杖犯悉  
皆取保臣向因江南隔屬恐至遲延是以

題請將江屬鹽務分歸蘇松太江常鎮兩處巡道督  
緝就近審理大案免致遠解浙省往返拖累荷蒙  
俞允現有原疏可稽臣於別省滿漢文武大吏因公結  
怨者頗多如果有其事早已指出迭爲叅奏何待

成天今日之論及乎以上皆其原奏內摘臣過端

皇上開誠指示臣敢不將所行之有實據者備陳於

聖主之前伏候



鑒察至於顧成天所陳更定之政欲貽億萬年生民之  
樂業者臣請得而論之如懸場三十里聽民自爲  
買賣不設巡邏此類於現行例內仁錢等十餘縣  
額銷肩引之意也然止係沿海縣分竝不限定三  
十里而納課定期每日准挑百斤分境杜私冒支  
越界皆有一定明禁無所謂聽民買賣不設巡邏  
也此三十里外以至千百餘里江河山嶺水陸間  
隔之州縣數十百處若不令商人轉運則鹽旣未  
能不脛而走人亦豈能越遠而來將聽其食淡而  
已乎如謂以應輸之額攤之各竈夫竈丁多係燒



刮赤貧本身煎鹽之蕩地丁課徵比尚不能全納  
今責其代人完課而後賣鹽則力量旣所不逮如  
任其賣鹽而後完課則通天下之竈戶盈萬累千  
晝夜所煎多寡數目孰爲稽查且卽省却官吏之  
費矣舟車緹運亦可減乎卽不問所賣之地矣越  
海過江可不問乎臣見其說已窮又變而爲商人  
抽稅於關之論夫權貨之關直省不過數十處耳  
其不經由於關者無稅也今天下無不食鹽之家  
卽無不爲鹽所到之處若內地盡行添設數不可  
計卽止就沿海建置則自奉天以迄粵省東南半



壁水陸口岸處處可走防範何止盈千且臣親見  
山西安邑縣止有一處鹽池數十里四圍高牆悉  
由總門出入專設院司官役巡守尚不能免其偷  
漏作弊何況沿海遼濶遙遠毫無關攔堵截臣恐  
所省鹽院道員以下之官吏俸薪工食不足以抵  
勢將百倍而過之矣又伊旣云利之所在刑不能  
止則濱海竈地山水沙泥交錯寂寞荒涼之區強  
梁夥衆孰非攘奪之場人人可煎竈戶亦難自主  
無引之鹽旣行卽有商人亦便於營私誰肯又爲  
納課其爭鬪殺釀出大端害及生民實甚於私



販拒捕之刑獄矣他如熒熒竈戶有何甲貲厚而  
乙貲微歷代章程豈能有鹽利而無鹽害此皆紙

上空言不可見諸實事殊屬誕妄之至且成天既  
所以從前極論呂留良之非蓋欲自泯其迹耳今命朱  
軾等係讀書達理乃平素會比呂留良著有六君子文  
稿博名之人於奉

召之前始行搜尋銷除改板亦非內外如一者

聖明洞鑒無微不徹此等迂執不可以口舌爭而服其

偏見之心惟仰懇

若是之人豈可以國政名器為詰難之具而嘗試之殊  
皇上不拘何地方大而鹽道小則分司俾其將素所籌  
屬戲論矣

畫生民樂業之法試行於一二處有益則竟畀鹽



政之任再聽其改正廣而推之各省庶涇渭得分  
而成效是非立見矣緣係覆稜前跡殊非兩水  
奏事理辭意冗沓伏乞

睿鑒施行謹

奏

覽奏皆悉顧成天非妥協人也除筆墨之外一無可取  
於彼進呈條議時卽經面諭其說之非伊亦俛首屈服  
自認書生迂淺之見因既有此奏何妨發卿觀之朕意  
非以其言爲可行也前諭甚明

雍正九年六月十九日浙江總督管巡撫事在任



守制臣李衛謹奏  
奏爲奏

聞晴雨應時膏澤普徧現在情形事竊照浙省自五月初旬晴明半月有餘鄉民插秧之際望雨甚殷於二十二日下晚省城卽已得雨自此以至六月初四五旬餘之內甘霖間日而沛禾苗早已盡插長養菁葱近而嘉湖寧紹遠而溫處台衢金嚴等府奏先後陸續報到俱於五月二十二日起連得大小雨澤千有餘里悉皆普徧但新苗初栽若雨水過多又恐淹浸初六日臣潔誠齋戒禱於



普門大士

敕建龍神等廟本日漸獲晴霽飛查各屬情形下游諸  
郡河水既多地勢復低將來即使再晴而車戽無  
慮不足惟上游之溫台處衢等處高阜之鄉六月  
下旬再須時雨接濟則本年通省秋收或可又有  
豐登之望至於沿海一帶潮濕之區米穀難於久  
貯又山多田少民間鮮有蓋藏溫州則全賴平陽  
瑞安台州則惟恃黃巖太平等縣所產之米販運  
接濟處州更係山僻轉運艱難若晴霽數日米價  
卽昂臣於未接該屬得雨信息之先誠恐價值漸



長民食偶艱飭行道府酌量動支倉穀分頭平糶  
并照閩省昔年米貴來浙撥運採買之例移咨福  
建督撫二臣招商通糶暫由海道運送秋成卽行  
停止迨行文之後卽據報到均已得有甘霖總之  
浙省仰邀至沛器甯一帶甯感之圖米嫌糶飲人

聖主福庇連年豐收今歲下游低窪數郡雨未過多七

方可謂痼疾乃身也  
府高阜處所雨仍不少顧此亨豫之景常存此心臣心轉有  
警惕不敢稍忘先事綢繆之計以期仰副車風無

皇上惠愛黎元之至意所有雨澤應時情形理合具摺

普恭



奏伏祈

聖鑒謹

奏

雨澤情形欣悅覽之

同日又

奏爲奏

聞事竊查從前聘往日本教習逗遛未歸之武舉張恒  
倬并隨同之劉經先又另船出洋之生員孫太源  
沈登偉臣勒令原商設法於東洋索取本人去後  
今該國將張恒倬等盡行交與原船商人帶回據



乍浦遊擊柳進忠於本年五月初四日押解到臣  
親加究訊內孫太源原係行商多年因欲圖賺倭  
照代爲續邀沈登偉出洋在彼講解

大清會典各書與夷人做詩寫字每人各得倭照一張

呈驗已據直吐竝將彼處耳目所見情形逐一據

實供明惟張恒晫一犯不但全無資財貿易其受

聘私往東洋教習騎射之處始則狡口不承迨該

犯帶往之劉經先面同質對猶敢支飾含糊不盡

吐實臣思此等之人違禁應聘外洋教演技藝貪

利忘本若分別嚴懲一二無以儆戒將來隨將



張恒晫武舉咨部黜革發司嚴審從重定擬充發  
邊遠與窮披甲人爲奴以作榜樣此外孫太源等  
三人確訊尚無勾通作姦別項不軌情弊惟圖利  
是實似應飭交地方官著落商總鄰族出具保結  
管束安插永不許再行出洋以杜其弊所有張恒  
晫等業從東洋要回分別究治情由理合具摺

奏覆再臣奉

命督捕下江邇年以來遣員分頭巡拏稽查督緝不遺  
餘力捕獲甚多地方劇盜所在漸稀偶因上年淮  
北被水附近窮民彼時多有扒搶糧食者槩難盡



以盜論遂有鄰省巨賊乘機竄入江境肆刦而楊  
山縣知縣張楚材玩視盜案刦失頻聞從不比捕  
命督嚴拏經臣訪聞飭查捏以扒搶糧食已經發落混  
覆似此縱盜殃民現在取揭會叅但張楚材非係  
才力不能緝賊實緣少年狂妄每自大言但憑那  
箇上司要叅自必調京引引其神祖有奏可  
見似我如此年富力強不至罷官轉可陞遷別地強如  
在這小縣委曲等語查該令雖係河南署撫臣張  
元懷之姪臣豈敢稍因情面緘默姑容但其狂誕  
之辭疏內未便敘入有關體式相應附摺瀆陳伏



祈 裕 計 錢 草 以 此 具 奏 派 回 兵 費 糧 價 而 整 費 亦  
聖 鑒 謹 不 升 前 奏 之 內 咨 與 今 署 兩 浙 鹽 課 司 司 查 咨  
奏 禮 十 箱 萬 刻 各 官 吏 照 例 禁 外 以 久 際 商 日 益 繁  
**覽 奏 知 道 了 所 辦 俱 是**

雍正九年七月二十一日浙江總督管巡撫事在  
任守制臣李衛謹

奏爲奏覆事本年七月初六日准蘇州撫臣尹繼善  
密札內開前經奏請酌留兩淮鹽規引費銀兩修  
葺城垣等項一摺奉有

硃批諭旨竝命將其所奉之



諭密令臣與高其倬知之欽此欽遵知會前來伏查城

垣等項公務外省所在皆然自不能少原係臣等

分內職掌理應隨時酌量設法辦理者但江南濱

海之區次第修建鞏固金湯似亦未可太遲目前

軍需浩繁歸公解部正項誠難請留惟兩淮鹽規

前於部臣李周望查審時

奏明裁革存留之外尚有湖廣上下兩江江西陋規

數十餘萬係各官吏隱匿私收以及綱商冒銷款

項不在前奏之內者現今署兩淮鹽臣伊拉齊查

奏欲行裁革以臣愚見橫派固須釐剔而經費亦



須酌籌在大吏理應秉公奉法凜遵若微員未弁  
奔走下役水陸巡緝盤費飯食紙筆之需豈能盡  
捐已貲代爲盡心竭力卽使全革亦於衆引攤減  
無多應否酌量裁去一半仍存其半除文武官役  
巡緝經費外卽於此節省浮用之內每年聽留數  
萬或十萬兩存貯司庫凡有益地方民生如城垣  
水利等類緊要公事支給動用至於微員養廉通  
省人多難以遍及止可於此內每歲撥出銀四五  
千兩凡有派遣賠累差使分別遠近給與貼補盤  
費之需如有所餘留爲下年添用統於歲底造冊



報銷則商力既得比舊輕減甦息而地方公務亦  
可有備漸次整頓矣臣以此意與高其倬面商所  
見相同不揣冒昧附陳伏乞內再查辦出題四正  
天聽是否有當恭請公事支銷謹用至伏辦員養預  
聖訓欽遵謹萬兩齊領后車八府益此式只出收辦  
奏

**原命卿等會商之事作何裁留支用應合詞具奏以聞**

雍正九年七月二十七日浙江總督管巡撫事在  
任守制臣李衛謹奏  
奏為疊奉



溫綸垂慈優渥叩謝

聖恩恭繳

硃批事竊臣接到

皇上發回恭請

聖安摺內欽奉

御批下問臣好

天語垂詢感戴逾分又於謝鵬回奏醫臣舊疾摺內復

蒙

恩諭務令用心調治作速全愈更邀

聖慈委曲訓飭無微不至非但謝鵬叩頭凜遵母敢稍



聖慈懈而於

聖心籌畫重務之時因臣微軀顧慮撫惜至於如此臣

不覺感泣失聲中心何以自安除謝鵬一介細民

天恩不敢再行煩瀆回奏外謹具摺恭謝天恩內

天恩代繳

硃批伏惟

睿鑒再臣欽遵

諭旨查得江南提臣王紹緒雖到任未久而聲名甚屬

聖恩平常今臣七月內在松郡掣鹽更聞其將從前革

去陋規多有復取於正額隨丁外本標每營壓派



共濟家人名糧三四分按月解送其各官俸餉馬乾連  
巡鹽盤費勒令充公致多怨聲督臣高其倬亦有  
聞見相同臣因前摺係覆陳緊要事理未及竝入  
今奉

旨下詢謹據實具

奏伏候

聖明鑒察所有奉到

御批臣原摺五件一并恭繳謹

奏

奏覆王紹緒劣蹟殊屬不謬適有列款密叅一摺已發



卿訪察矣此缺原欲以李燦陞補今又用伊署理督篆濱海要地不得稱職之人奈何

雍正九年九月初一日浙江總督管巡撫事臣李

衛謹

奏爲覆奏候

旨事竊臣前差齎摺千總於八月二十四日回杭捧到硃批奏摺臣叩領跪讀荷蒙

御批宣示

聖躬康健萬安臣心踴躍欣慶更邀晉高其軒衣育洪慈溫語下問感戴難名臣犬馬之疾入秋漸次已愈



竊幸

天恩高厚許臣與聞機密現在奮迅精神辦理地方事務候

旨欽遵急圖稍效微忱畧報涓埃至臣蒙

皇上頒發叅奏江南提督王紹緒款蹟密令訪察又於

臣另摺內宣示王紹緒員缺

聖意欲以李燦代之因擬署督印此任尚未得人除王

紹緒居官緣由另行覆

奏外伏惟

聖主知人之明無微不照江南提督上下兩省水陸遼



王紹緒於各處奏報中稔聞其玷溺而李燦崇明之缺

潤實屬緊要李燦似猶相宜如蒙

又不得人代替江南沿海數千里殊關緊要於此奏未

皇恩格外可否即以李燦簡用此缺抵任後使之暫行

到之前適田文鏡在京舉薦馬世龍甚堪勝任已有旨

諭部矣

特簡一人暫署數月底彼此可以得人而李燦之於署

督資格體統不至大相懸遠更得兩省呼應靈便

盡其報效之忱矣又臣前

奏風聞南洋咬啣吧番夷被從前內地逗遛在彼姦

徒爭占之事今八月間連有往販南洋船隻回棹

細加探訪止有咬啣吧小港地方生番聚鬧爲從

前中原流寓之人拒住彼見勢重未敢攘奪後經



紅毛發兵勦撫已平其中不無漢姦在內竝非流  
棍占奪彼處地界始知前次傳聞未確相應附陳  
奏覆所有奉到  
批回原摺理合恭繳伏祈  
睿鑒謹

奏

外洋一切事機不過知之而已但務稽查內地匪徒勿  
使勾通生事靜以鎮之爲要萬不可好大喜功越分苛  
求致令疑畏而啓釁端也誌之

同日又



奏爲遵

旨查覆事本年八月二十二日臣於

批回原摺匣內

發有叅奏江南提督王紹緒款蹟一件欽奉

硃諭若據此奏王紹緒負朕一至於此乎或內中有捏

陷之情亦未可定卿其訪察奏聞密之欽此臣細看

摺內所指皆係廣東之事雖未能懸揣而現載餽

送各官姓名月日物件係提塘密稟旣非傳聞或

其中禮物開填舛錯或收少報多并親身攜帶致

送外人不知遺漏者則誠有之未必竟敢捏陷盡



屬子虛且王紹緒人品操守素聞不端在廣東任  
聲名不好亦有傳說是以臣前曾以器小恐難勝  
任之處

奏明今紹緒於到任後復收陋規壓派隨糧近又聞  
其署內所興土木工程多有票拘工匠白役當官  
取用器皿折錢始免并營伍各項既多染指兵丁  
不服約束任令藐抗有司欺凌百姓窩賭庇匪民  
怨沸騰雖宦橐貲囊有無珍奇貴重之物一時未  
得訪其確實而已經被焚自是天報但就其器小  
易盈驕奢放縱觀之則歷來居心貪黷近日更甚



可知江南重任統轄上下兩省海江湖河似此要  
地斷難久容相應據實覆自曩天時以豫其器小

奏伏候  
是此奏未到之前朕意已定矣  
聖明乾斷所有欽奉

頒發奏叅王紹緒一件理合隨摺彙繳為此謹計具

奏其署內祖典土木工器及前票付工司白外當官

覽

雍正九年九月十五日浙江總督管巡撫事臣李

衛謹

奏爲奏明事竊臣接准部咨奉素聞不諱在貴東丑



旨行令直省召募揀選壯健技勇之人送京以備干城之用浙省派定一百三十人仰見

皇上加意武備廣收人材之盛意當卽欽遵於浙屬各地方民人武生童及鄉勇民壯等項招募情願來者之內揀選又令各鎮協營在於餘丁中挑取旋據陸續到省四百一十餘人臣細加察看外貌雖覺可觀而技藝多未素練省城向設教習武舉兵丁公館四所今又暫添數處將送到勇壯給以口糧發館教習不時親加考驗分別獎賞設法鼓勵今於其中挑得各項民人餘丁鄉勇民壯內本籍



者一百名外來寄居并原弁二十名武生童十名  
共一百三十名已符部額又恐長途水土未能卽  
服或一時偶爾耽擱另有漢仗畧次而技藝稍嫻  
者十名以備補數卽或無缺亦可添入儲用通共  
一百四十名一并送京惟是人數旣多護送之官  
若少恐此等鄉村鹵莽之性沿途生事難以管束  
而新習未久之技必至生疎是以派出備弁外委  
等六員帶同本標向日練技兵丁十名分爲前後  
次序行走按隊管領隨路得便教習所有勇壯兵  
丁人等俱經動支盈餘公項給以安家銀兩製辦



行李衣帽皮褂等物隨手器械并水陸盤費及初到京口糧俱各充足仍遵

旨於每人本籍額外賞給守糧一分於起行日爲始開支養其家口擇於九月初六日臣率同司道當堂復加點驗起送若途間風水無阻計至十月中旬可以到京已將各人年貌籍貫花名技藝開造清冊咨送兵部并知會戶部查核聽候轉

奏請

旨欽遵所有辦理已經起送緣由理合具摺奏

聞伏祈

硃批諭旨

五

九十

李

衛



聖鑒謹

據奏所募勇壯人等業已起行不日到京嘉悅覽之

雍正九年十月二十三日浙江總督管巡撫事臣

李衛謹奏

為據實奏

聞請

旨遵行事竊照浙省今歲早稻豐收晚禾暢茂前因上

游衢嚴金紹四屬十餘縣內有三分栽植晚稻之

田夏月天涼入秋轉熱田中間雜生有小蟲是以



收成分數稍減一二業經

奏明在案其杭嘉湖三府多係晚稻每歲十月方屆  
收割乃於九月初旬以後沿海之內一帶地方如  
江南松江府屬之金山奉賢華亭婁縣以及浙省  
連界之嘉興府七縣并杭屬之海寧一處田間亦  
有蟲生細如蚊蚋外無蹤跡俱在苗腹暗吸精液  
直至一禾黃萎剝開稻心始見其形是以難以撲  
救臣據報卽委員分頭會同地方印佐教雜履畝  
確勘惟海鹽一縣被災較重其餘尚輕然幸而一  
邑之中此有彼無一坵之內此多彼少且俱係肥



田所生薄瘠者轉無此蟲通縣計之尚不至於成  
災查嘉屬七縣自雍正四年以來連歲俱獲豐登  
更蒙

皇恩減除額賦之後民間感戴踴躍六七八三年錢糧  
每歲全完今年通府地丁於八九月內悉行完足  
豈期已將結實收穫之時忽有意外偏災減去分  
數在民力尚未至於大爲艱難惟禾苗間雜被蟲  
卽有收之處米皆攙雜青腰白臍其色不一且有  
半粒碎小者在內只可食用難以納漕臣前議截  
漕復運一案之時係在八月間尚未有此番情形



原因所派船多難以辦理隨時酌量據實陳明仰  
蒙

皇恩優獎交部議敘正在感愧不安惶悚無地今九月  
之內嘉府又有收穫不齊實爲意計所未能料若  
不設法稍爲變通加之撫恤無以仰體

皇上愛育黎元有加無已之至意茲據委員勘明回省  
覆稱各縣有蟲田畝海鹽三分之一受傷頗重平  
湖嘉興二邑次之嘉善石門桐鄉秀水海寧尚少  
此攙雜被蟲之鄉應徵漕米通計四萬餘石爲數  
亦無過多而此時米價尚不甚昂可否仰邀



皇上天恩照雍正元年四年兩奉

恩旨每石折銀一兩解部使民力得以舒徐或仍照雍

正五年部改一兩二錢之價徵收非臣所敢擅專

至目前察度民情猶可支持不至艱窘但現在陰

皇土雨若得晴霽半月則晚稻皆能刈穫惟恐此數縣

之內細民小戶來年三四月間青黃未接時稍有

缺乏另爲遵照偏災

恩例酌動公項量加分別資助若彼時春花茂盛卽可

轉變自謀無須費力幫給合并聲明緣現今開徵

漕糧若待查造細冊再



題勢必往返稽遲且合邑統算旣不成災又過九月  
具報之期況前行部文原有或折或存之議是以  
將被傷各縣折收米數分晰查明續行報部俟  
欽定命下之日方敢移咨倉場總漕諸臣衙門備案爲  
此冒昧先行據實具

奏仰懇

皇上聖明睿照施行謹

奏

據奏海鹽等數縣禾苗被蟲候另有旨從部頒發

同日又



奏爲覆奏事竊臣蒙

恩召對遵

旨將所管各任署理之人酌量擬奏恭請

睿鑒荷蒙

皇上不以爲謬俯賜

恩允特頒

諭旨以王國棟李燦分署臣各任內事務其崇明總兵

官等缺著

令揀選奏聞遞行委署緣水陸兼知者少是以將衢州副將葉應

龍暫護崇明鎮印務試看具



題外其葉應龍員缺原奏擬以溫州遊擊白世璘暫署因續又奉

旨紹協副將著臣揀選遞委臣查紹興亦係山海要區白世璘由紹協都司陞用於地方營伍情形較之衢州尤覺熟悉故將該員

題明請署紹協以不能辦理中軍通省事務之杭協副將周騰鳳仍回衢州本任所有改委緣由相應奏明至臣前奉

諭旨於鄂爾泰到京前後來京今聞高其倬於九月初二日赴滇則鄂爾泰諒在十月底可以起程自滇



至京將及百站卽趲行亦約須五十日之間臣已  
飛調葉應龍至省令其前赴崇明與李燦交代明  
白來浙將一應事務遵

旨教導看其接辦數日擬於冬至時起程臣雖現在抱  
既然瘡痍未瘳豈可勉強就道於新正抵京亦不爲遲  
有瘡恙據外科醫生可以包得一月之內收口平  
目下非有緊急商籌之務何用匆匆途中令謝鵬隨行  
復彼時卽或未全愈沿途療治務必於封印前  
朝夕起居庶便資其調護之益  
後趕行到京叩領

聖訓以慰瞻戀之忱其浙省地方營伍事情現在俱分  
清頭緒飭行文武加謹辦理不得稍有怠弛江南  
情形隨路再看近訪得狼山鎮總兵官王安國原



係浙江處州鎮調繁素尚老成謹守今因染風痰  
之疾雖已漸愈而精神減少諸事俱託其第三子  
料理凡有頂拔名糧非有錢者不能得缺查王安  
國係出過兵舊人初尚信其粗鈍質樸今則老年  
**所奏甚是已有諭旨矣**病後糊塗不能約束其子致有物議狼山乃海疆  
要地臣既有訪聞不敢徇隱理合附摺陳明伏候

皇上睿斷謹

奏

覽

雍正九年十一月初八日浙江總督管巡撫事臣

硃批諭旨

五

奎

李

衛



李衛謹

奏爲據實奏明仰祈

睿鑒事本年十一月初五日接准吏部咨文復蒙

恩旨令臣酌量起程日期於十二月望前到京欽此竊

臣初奉冬底到京

上諭原欲十一月十九日起身正合月中進京之期因偶患瘡疾醫生限日平復是以前摺附陳擬於冬至邊趲行日來內垢漸去生肌大半適又感冒泄瀉稽誤數日瘡口復潰行動甚難今外證已除方將長起若不稍俟收口於清江起旱之際頗慮艱



難或沿途轉致耽擱現在晝夜內外竝治務於二  
十五日起程一路量力趕緊行走最遲亦於封印  
時必到恐於十二月望前之期畧緩六七日臣心  
實切惶悚本不敢再為煩瀆

天聽仰惟

昨批諭甚明齎摺人回計程尚未到浙耳部咨內十二  
聖恩深厚犬馬下情無不體恤臣何敢於  
月望前之旨乃未知卿患瘡時所降何必拘定此期第  
君父之前猶存隱諱用是冒昧瑣陳伏祈  
遵諭行切勿強勉  
皇上恩宥再浙省於前奏陰雨之後間日偶霽至初二

日起天氣大晴晚稻已收三分之二再得十日即  
可全登地方甚是安靜又臣聞得調京松江提督



王紹緒臨行之前將米折銀虧空二千餘兩今以  
倉底氣頭陳米給兵衆人不要紛紛嚷鬧竝將  
恩賞生息銀兩以九五折扣發給各典舖所餘入已以  
及從前取用民間家伙不還怨聲載道貼單約日  
索取等因臣卽飛速密諭該標中軍叅將黃欽查  
覆未到近聞新署提督馬世龍於初二日赴任諒  
必設法安頓合并附摺先爲陳明仰祈

睿鑒謹

奏

王紹緒誠爲負恩之最者已有旨察審矣



雍正十年八月初一日浙江總督署理直隸總督

奏印務臣李衛謹

奏爲奏

聞沿途禾稼收穫豐盈事竊臣遵

旨於本年七月二十二日出京二十六日抵保定府上  
任經過地方目擊各項早田雜糧刈穫過半晚禾  
更盛蕎麥正在開花亦極暢茂詢之鄉村老幼咸  
稱今歲秋成大小米穀豆黍悉有十分惟高粱間  
有八九分者較之歷年實爲豐稔民情歡呼載道  
及抵署後查近處各屬有已經報到者其情形與



途間所見相同伏思臣自去臘至今日侍計汴與  
闕廷親覲伏念清純之風平實爲豐餘只計燭和輝  
皇上憂民念切時刻以早潦關心誠敬虔祈溥施  
恩澤上格蒼旻萬民受福感應如響臣實切欣幸  
合將所見京外豐熟大概情形先行奏聞上慰  
聖懷爲此謹

奏明

畿內今歲雨澤雖屬優渥尚未期如此之豐盈也覽奏



曷勝欣悅

雍正十年八月二十七日浙江總督署理直隸總

督印務臣李衛謹

奏爲奏

聞事竊照直屬夏秋之間雨澤時行滹沱猪龍二河相  
近沿邊州縣間有堤岸漫溢田禾被淹之處當經  
前署督臣劉於義委員往查於七月二十日具摺  
奏

聞臣接任後催令各地方官并委員分頭確勘先行酌  
量賑恤并將此外田畝有無被災飛速看明分別



冊報去後今據深晉霸安四州正定保定高陽天  
津藁城雄縣等屬俱稱河水旋長隨退畧減分數  
勘不成災大城束鹿平山文安蠡縣等處屢催尚  
未覆到惟冀州及衡水縣高田無傷低窪村莊田  
禾果被淹損武強武邑二縣低處有秋高阜有讎  
之地得雨稍遲禾苗未能滋長各具成災分數冊  
結詳送前來除仍飭大城等五縣速覆外臣查今  
歲直屬地方各項秋收咸稱大有惟此高窪數處  
畧遇偏災亦止村莊間雜非係通縣受傷若酌動  
存公銀兩於冬底來春青黃不接之時按戶再加



接濟賑恤卽可安頓得所但歷蒙

皇恩加意黎元凡有偏災無不蠲賑竝行今成災頃畝

雖屬無多而事關錢糧緩徵按分蠲免例應

題報部臣方可據案定議未敢冒昧合先具摺奏

聞恭候

皇上訓示遵行謹

奏

成災頃畝雖屬無多而身當其害者饑寒迫體情殊可  
憫其詳加酌量應緩應蠲具疏題請

奏同日又



奏爲請

旨事竊查邊城積貯自宜豐盈而隨時變通亦當斟酌  
臣檢查緊要案卷前署督臣劉於義於本年五月  
奏間因宣化府屬及張家口存米數少用處繁多請  
皇上於通倉撥運米四萬石分貯各倉預備支應又因  
開莽自通轉運道路艱難每石百里給發價銀一錢六  
分并請於秋杪陸續運送等因先後具具詳奏

奏咨部俱經議覆奉

旨允准遵行在案今臣飭催委員領價赴運據口北道  
王棠會同布政使王謩面稟宣屬今年秋禾豐稔



目下米價頗平若仍於通倉領運則四萬之米按  
程計算共需腳價銀二萬八千四百九十六兩較  
之米石數目已及十分六七不若乘此豐年於宣  
屬就近採買爲便臣詢其時值雖稱每石一兩一  
二錢不等但恐一時採買價必高昂據該道等公  
議卽或增長以一兩三錢可得一石請於糴存雍  
正九年截漕價銀之內照折中定價每石一兩動  
用之外於奏准腳價二萬八千餘兩內止須添撥  
銀一萬二千兩卽可就近買出新米四萬石甚爲  
兩便又據稟稱宣屬九十兩年應買不敷兵米向



奏因市值高昂定價未敷咨部借動各屬均貯穀米  
支給統於十年秋後買補還項現在倉廩虛懸今  
連癸丑年應需兵米計算又共應採買米三萬八  
千七百三十石零但所貯宣化府米價皆係每石  
並許六兩實有不敷今請每石約增銀三錢並於  
節省腳價內共撥銀一萬一千六百一十九兩零  
則倉儲均可買足等語臣查此項米穀借支已經  
奉三載邊城倉貯久懸頗有關係自應早爲買補但  
恐一時採買不易隨著令該道速回宣化再看實  
在情形斟酌能否辦理無誤具覆去後今據王棠



稟稱撥運通米原備緊要之用但恐遠路送到臨  
事周章再四思維自以就近採買爲妥但近又接  
到部劄奉

旨令於獨石口外動部發銀兩買米二萬石存貯備用  
惟慮米數旣多或有未敷議令同知白石遣人赴  
山西交界鄰近地方竝歸化城各處分收於商人  
等回空車輛隨便帶運統數合算毋庸另請腳價  
等因到臣除山西接壤米價如何約可收買若干  
及商人帶運不須腳價是否出於情願不致勉強  
有累抑或卽在價值之內未據該道分晰聲明現



在羽檄飛飭速覆外臣查撥運通倉米石不惜遠路脚費原係一時權宜今旣宣屬年豐米價平減似應隨時變通辦理至買補兵糧雖有一兩存價虛名而口外現辦軍需價值難平歷年延挨終不能補邊陲儲蓄所關甚重今約增銀三錢飭令據實購買若本地近屬可得卽不須再往鄰封購求縱使數多今歲難於買足諒所剩無幾旣有價存貯來秋亦易於採買目今正值收穫乘時採買未便再緩不得不冒昧陳奏伏乞

皇上睿鑒敕議遵行謹



奏

邊城積貯最關緊要發交辦理軍需大臣議奏

雍正十年九月初四日浙江總督署理直隸總督  
印務臣李衛謹

奏爲奏

聞地方大槩情形事竊臣荷蒙

聖恩委署直督印務一月以來地方遼濶遠地利弊尚  
難周知就其近處畧有見聞若每事具奏何敢煩  
瀆如仍因循遷延地方終無起色現在各屬久任  
熟練之員頗少刑名案牘不清錢糧多係那東補



西掩飾墊用將來輾轉露出必有虧空且通省捐  
項甚多若歲修水師營戰船部價之外不無津貼  
各處運米盤量折耗派解囚糧等類不一而足衝  
路尅減更甚而錢糧牽混自康熙三十年後尚有  
駁案未結通省倉穀一時雖未能徧查而因價貴  
難銷至今不曾買補者七十餘萬石雍正元年俸  
工停捐之後桑成鼎仍將各屬所解地丁錢糧公  
然扣抵懸宕正項雍正三年動漕賑濟米石李維  
鈞旣未題報又不彌補至今反作州縣虧空現在  
查出數件核清更正具



題而宜兆熊劉師恕蔡珽等凡遇難完之案惟以叅  
官了事者不可枚舉至於詞訟雖少不比南方刁  
詐但命案多係酗酒鬪狠動則輕生更兼糧船短  
絳無家無室河凍船回難於資生糾合爲匪殆無  
虛日而泊頭鎮連兒窩等處衝繁雜遯竟無就近  
專管之員地方焉能安靖似應籌及再臣檢查案  
卷近日官署失事者甚多皆以失竊詳報難以憑  
信臣現在嚴查強竊情形設法勒拏以儆盜風此  
外諸事尚多凡臣職分心力所能辦理者自當竭  
蹶整頓其未敢擅專要務不得不上煩



天聽訓飭遵行今因臣前次所奏買貯宣化張家口等

處米石原摺奉

採買之說廷議不准朕以所駁合宜現在降旨允議部批交與廷議尚未接准部咨已屆秋深不敢久存為此文到日遵行可也

敬封同原摺共三件一并恭繳伏祈

聖鑒謹

奏

直隸吏治營伍歷任督撫未能辦理妥協前經再三諄諭矣卿其竭力整頓務令改觀以仰副朕意

同日又

奏為遵



旨奏覆事竊臣在京面奉  
諭旨直隸營伍平常聞得督標與城守兵丁更爲不堪  
必須加意整頓著臣到任後另募兵二千名訓練備  
用欽此臣於八月十二日簡閱督標及保定城守營  
官兵果見其馬步軟弱所開多係三四力之弓籐  
牌數十人現在新學此外刀鎗技藝俱未曾習過  
所恃者火器而鳥鎗長不滿三尺新舊大小攪雜  
不一焉能及遠雖係北省之兵漢仗出色者甚少  
誠如

聖諭難稱勁旅但歷來相沿竟成風氣訪聞各處大畧



聖諭相同若不變其積習難收實效除現在設法操練外隨遵

旨招募新兵只作臣之意見委婉出示今已就近驗取  
年力稍可者六十名飭發收伍分別教習技藝目  
下續到漸多自當加意挑選此等新兵既經在營  
練習似應於收伍之日撥與官房居住暫給守糧  
一分悉在保定合總會操臣可不時親察勤惰賞  
罰鼓舞將來募足練成之後再當請  
旨但目前兵數既有二千亦須專官管束似應每兵千  
百名設守備一員千總二員把總四員外委千總三



員外委把總五員使之分隊管領督率操演俟練  
熟酌定營制後再設將領分管但守備千把現在  
保定近營實難挑出多員且教練武藝亦必得素  
習之人臣在浙省時曾經練有熟諳弁目分發各  
營教習今已漸熟堪用者多可否酌量挑選千把  
外委目兵數員名移咨署浙督臣程元章調取應  
用再查有浙江撫標千總李聘近經送部引

見奉

旨准補撫標右營守備該弁漢仗強壯頗諳技藝教兵  
著有成效仰懇



聖恩改調直隸新營守備使之督率教習各兵其員缺  
旨交臣酌量補用之原任浙江撫標降調守備龔炳久  
任南省現已回浙候用倘以之署理駕輕就熟各  
無貽誤一轉移間似於營伍有裨以上各條是否  
有當臣未敢擅專相應具摺覆  
奏請  
旨欽遵更有懇者臣前在  
內廷侍直時曾見  
頒給河東督臣田文鏡烏鎗式樣一桿製造堅好體輕



而能發遠實爲馬上利器仰祈

皇上俯念直隸營伍綦重  
賞發一桿俾得依式製造更可以壯

國威而資軍實矣謹

奏

辦理軍需大臣詳議具奏

雍正十年十月初九日直隸總督臣李衛謹

奏爲懇請

聖恩事雍正十年十月二十九日恭逢

皇上萬壽聖節普天共慶十年肇始億萬綿長臣自雍



正四年奉差外任以來未得與在  
廷諸臣躬親拜舞今幸得備員  
畿輔咫尺

天顏華祝情慙嵩呼念切且郊圻重地整頓事宜臣於  
兩月內畧有見聞者必得面領

聖訓庶幾知所遵循并據布政使王暮按察使竇啓瑛  
恭請相隨爲此虔誠具

奏伏懇

天恩俞允俾得隨班叩慶稍遂悃忱臣臨奏曷勝瞻依  
祈禱之至謹



奏

甫經到任爲日無幾事務紛紜何可遠離況在京諸臣俱免行禮已有旨矣

諭直隸總督李衛知悉聞天津一帶盜竊時發其風甚熾該地員弁緝捕殊屬疎懈當留心察訪嚴加申飭又天津縣典史名崔天機者聞訃之後竟不遵例丁憂仍然戀職向鹽行市肆各商借端科斂貪污顯著云云不知此時曾否卸事朕意斯等劣員卽或已經離任回籍亦不可令其漏網務須確訪款迹嚴行懲究以肅官箴

雍正十年十一月初四日直隸總督臣李衛謹



奏爲恭繳

硃批諭旨先行覆奏事竊臣欽奉

硃諭一道跪讀之下仰見

皇上明日達聰

睿照無遺曷勝愧悚伏查天津地方盜竊頗多誠如

聖諭臣於本年九月初四日曾將天津沿河一帶泊頭

鎮連兒窩等處衝繁雜還府縣駐劄旣遠就近竟

無專管之員大槩情形及現在籌畫欲行辦理緣

由附摺奏

聞自到任至今三月之內留心訪查誠恐一人之言遽



難憑信復經選差員弁於沿河一帶四次往來細  
加確訪正在酌議  
題請將各地方現在空閒之驛丞稅課大使改兼巡  
檢等官分界管理專司巡緝令各就近之府佐稽  
查管束其怠玩員弁更當遵

旨嚴飭分別懲創至天津典史崔天機於今年八月內  
聞訃丁憂先據天津縣徐而發詳請將該員給假  
治喪仍留辦事臣未卽准行復據該縣面稟臣及  
兩司云天津係新改地方又有河鹽及鎮道各廳  
駐劄衙役聚集未免事多格礙無人相幫典史崔



天機係供事出身料理旗民事務各項往來差遣  
熟練無誤必得留其幫助辦事方屬有益等語臣  
看徐而發雖未可深信而辦事頗有才情臣係初  
到又經府轉諒伊等不敢欺誑遂批司查議據覆  
新改地方難拘常例臣是以據詳咨請部示近准  
覆文應令回籍守制轉行在案今既有前項劣蹟  
豈可姑容隨立行看守并密委學習進士丁廷植  
前往查其科索各姓名贓數外因鹽商俱是長蘆  
鹽法道專轄卽當鋪亦多係商家所開復令該道  
彭家屏親傳商總面問自不敢隱諱至於別行鋪



面及平日貪婪各情恐天津縣以曾經親爲保留  
有所掩飾特飭天津府知府李梅賓就近嚴行詳  
查一面咨部斥革從重究擬斷不使其漏網理合  
先行據實覆

奏所有奉到

硃諭一併恭繳伏祈

聖鑒謹

奏

覽奏知道了

奏同日又



奏爲奏請

睿鑒事竊臣屢承

訓旨諭以人才難得先後歷任於文武大小屬員中從  
聖鑒未肯輕忽遺棄更不敢濫舉市恩凡有保薦之員  
未備俱於原題奏內據實加填考語分晰聲明恭候  
聖鑒欽定又恐拘謹者流於廢弛有才者間至放縱時  
加察訪稍有前弊卽行叅劾斷不因已經保薦輒  
爲庇護自蹈冒濫欺妄之咎今查平陽府知府李  
張係原任廣東平和令後捐主事同知臣向在京  
時見其頗有才情及後久不往還雍正六年因浙



省派官清查各府歷年舊欠錢糧缺員未敷憶及  
其人

題請行調至浙分查台州府屬頗見勤勞事竣之後  
緣海寧塘工乏員題明留浙暫署杭州府通判分  
管海塘至八年秋汛後送部引

見蒙

皇上簡補平陽知府臣每於便中留心託人探其表率  
措施如何今風聞李熒近日性情尊大舉止乖張  
與同城總兵官必欲平行以致文武不和臣深爲  
駭異及訪之過往山西人轉有讚詞詰以前故據



稱因伊所屬洪洞縣係本省保留之員虧用追存  
楊尚書遠年家產銀兩欲攤丁內彌補李知府與  
之作對又待屬官過嚴多不喜他或者布散流言  
皇上惟恃才任性則有之等語雖傳說不一難以憑信  
具奏但恐該府器小易盈平陽係緊要大府臣曾經薦  
舉既有所聞不敢隱諱仰祈  
李皇上果不稱職該撫石麟早應參奏矣平陽一缺原因  
皇上密飭晉省該管上司再加廉訪虛實覆  
其可用而用非止以卿所舉薦之員未加審慎而用者  
旨定奪庶無貽誤地方又從前浙江鹽驛道員缺奉  
命著臣揀選題補臣向知江承玠性情拘謹本在次等  
然既有所聞自當奏知候朕另為裁處  
知府之列因其出納吝嗇家道素豐自必慎重錢



糧管庫可以放心彼時鹽政諸務臣數年料理已有頭緒原不專藉該道整頓是以聲明請旨准用乃該道到任以後瑣屑卑鄙諸事遲鈍上年秋間將已完課之水程稽留不發屢催罔應商鹽無從開運以致蘇州缺鹽數日價值驟昂臣一面差員星夜僱運接濟平減彼時卽欲叅處因伊初到未久嚴加面飭記以大過望其悛改豈意該道漸次行爲更甚於前如蘇松近海各場竈民秋月風潮被水乏食急待賑恤而商捐現成之米抗違留難日久不發已蒙



聖明洞鑒嚴飭其他可知夫鹽政全在隨時調劑豐熟  
之歲緝私宜嚴遇歉卽當變通今秋紹興已有聚  
衆拒捕毆官傷兵之事而松所已掣引鹽運店者  
漂沒頗多浙商貲本原不及兩淮近又虧折艱於  
收買彼被水窮竈無處覓食專賴水退卽可煎鹽  
度命非比久雨不產若有鹽難售豈肯束手忍餓  
自必偷賣濟私人衆情迫繩之過急卽生事端惟  
有多發備存公費銀兩遍收竈鹽使之皆歸公倉  
則私販不禁自散既可冬季益掣又濟窮民口食  
免得海濱梟徒聚集爲害地方消患未萌最關要



奏  
務今十月終旬南來使人過往問及仍不肯發銀  
廣收現已掣期將屆鹽數尚少倘捱至過歲補掣  
遞壓情誤

國課生民兩有未便總之江承玠居心陰險總不肯  
以一身擔當重務明知誤公可以推諉年歲與己  
無涉臣雖已在直隸而該道係臣題補專管大員  
似此諸務有心怠玩不但臣數年整頓成規一旦  
隳壞而

國家公事豈忍聽其貽誤合并據實陳明仰祈

皇上俯察愚忱可否將浙江鹽驛道一缺另爲揀選



特放幹練才守之員速往辦理庶於鹽課錢糧有裨而  
國計誤用劣員之咎或可稍逭萬一矣爲此謹

奏

江承玠係由戶部司官陞用外任朕所悉知之人前於  
題補道員時曾經有諭慮其不妥第遽加罷斥則始初  
薦舉不當難免物論朕意莫若卿照此奏竟行具疏題  
叅名正言順殊屬允當至此缺甚要現在浙員中有可  
勝任者密摺奏聞以便臨時一併降旨施行

雍正十年十一月初十日直隸總督臣李衛謹

奏爲遵



旨覆奏恭繳

御批事竊臣因聞李昉近日居官行爲人言不一并江承玠有意怠玩恐致貽悞不敢隱諱據實陳

奏荷蒙

皇上天恩分晰指示令臣將江承玠竟行題叅仰見

皇上聖慮周詳體恤臣工至意謹已遵

旨另疏題叅但臣前次具摺原請

皇上鑒察乾斷不敢擅定處分今旣露章叅奏似當明正其罪若不令其出資數萬於工程效力無以爲有心自顧怠玩公事者戒目前浙省海塘罰贖銀



兩所餘無多今秋風潮又有坍卸甃落需費正繁  
故於本後聲明請出資釐萬欽工致效尤無以爲  
旨應否將江承玠革職發往工程處除百丈以上之工  
目民仍動公項外其餘零星修補之處使其出資辦理  
庶足稍抵徇私廢公之罪以儆積習伏候  
睿鑒又蒙  
皇上宥臣從前誤舉之愆復

諭此缺甚要現在浙員中有可勝任者密摺奏聞欽此  
臣承  
命之下惶恐感戴謹將浙省現任知府十一員才具操



守居官行事據實分晰開單進呈  
御覽恭候  
聖鑒所有原奉  
硃批奏摺三件理合恭繳伏乞  
睿鑒施行謹

奏

江承玠事題本到日有旨所遺員缺朕意欲以張若震  
陞補其台州府缺浙員中可得相宜之人否或州縣牧  
令有堪擢用之才卽階級稍懸亦不妨密以奏聞候朕  
裁酌



雍正十年十一月二十九日直隸總督臣李衛謹

奏爲奏

聞事竊臣自到任後卽將沿河一帶并各地方盜匪姦  
宄屢次留心密訪除現在已經分別懲創未敢逐  
件瑣屑瀆陳外查直屬有大成衣法等教名目愚  
民信從入夥者甚多臣訪知數處爲首之人開名  
飭令地方官密訪確實并令選擇誠謹之人佯投  
入內探其作爲今據深州知州徐綬等員回稟前  
來照依指示辦理之法查得大成教首係旗人王  
姓武舉果住灤州石佛口名下有次掌教二人一



係周世榮住饒陽縣曲呂村今因癰疽有伊弟廣  
東丁憂通判周世臣代主其事一係王瑛住深州  
貢家臺凡教內有能宣經講道者卽爲小教首分  
住各處招引衆人如深州之鄭自昌衡水縣之楊  
林全侯燕平河南地方之靳清宇皆其領頭門徒  
其衣法教之老教首乃已故旗人董一亮今有伊  
女代掌住居易州而饒陽縣武舉王作梅爲之管  
事次教首則饒陽之孫連若等尚有數處相從之  
人亦衆以上二教始於順治年間大都以輪迴生  
死誘人修來世善果爲名喫齋念經男女混雜每



月朔望各在本家獻茶上供出錢十文或數百文  
積至六月初六日俱至次教首家念佛設供名爲  
賸經將所積之錢交割謂之上錢糧次教首轉送  
老教首處謂之解錢糧或一二年一次各有數百  
金不等其所誦之經有老九蓮續九蓮等名色與  
臣所聞大槩無異竝鈔得經咒數冊俱係鄙俚之  
詞此等雖屬哄誘愚民錢財尚無謀爲不軌情狀  
但附和旣多傳染日久終有後患臣愚昧之見若  
目前一時舉動卽止於查拏首犯而入教人衆驚  
惶疑懼輕生逃竄事所必有現在將屆歲暮倘使



無知愚民流離失業亦所不忍臣議酌定告示預  
先備就分晰曉諭凡有誤行入教者許其燒燬僞  
經改悔自新槩不株連於新正初間密行各處臨  
時一面張貼一面將前項著名教首數人遠近同  
奉日動手務獲酌量輕重處治庶愚民免於驚擾首  
犯不至免脫但臣見識短淺應否如此辦理抑或  
由京差拏之處伏祈

聖訓指示欽遵謹

奏

一面張示一面緝捕既可免驚擾又不虞逸脫辦理已



屬合宜何庸由京差拏耶衣法教名目向日未聞大成  
邪教前經屢諭宜兆熊等訪察乃漫不經心未副朕意  
今如此措施甚爲可嘉之至

同日又

奏爲據實覆

奏事竊查天津縣典史崔天機丁憂科索鹽商鋪面

一事臣凜遵

諭旨分飭嚴查密加確訪去後茲據長蘆鹽法道彭家  
屏於十一月二十五日覆稱蘆商共分六綱在津  
按月輪流辦事隨傳值月各商逐一細加面問并



令據實親筆畫押因崔天機母故之後浙晉綱商  
十二家內惟凌元標等五家往弔所送奠儀五錢  
一兩不等晉昇綱商十一家共送疏菜茶食十六  
色紙盤一副晉源綱商九家內有牛萬鍾等四家  
往弔各送奠儀五錢一兩不等其晉澤慶豐河東  
三綱未有一人弔送又開當商人王子德隨衆公  
出奠儀一錢七分俱係自身往弔竝無總收科派  
并據該道稟稱崔天機素屬勤勉官旣微小人復  
癡呆各商豈肯受其科斂等語又據天津府李梅  
賓覆稱查據當商賈培章等僉稱當舖十八家共



送崔天機奠儀四兩祭幃一軸水禮十六色又緞  
鋪戶姚四朱鳳翔等各送奠儀五錢餘與彭家屏  
所覆相同此外因事貪婪受賄之處再四嚴查據  
司府等各覆實無贓證與臣前差之學習進士丁  
廷植密訪回稟大槩無異伏查雜職等官平日與  
地方鹽商當舖往來生節收受陋規禮物視爲交  
際之常此等積習相沿難逃內有千萬數等四案

聖明洞鑒今崔天機以母故收受弔奠禮儀約計共有  
二十餘兩雖係各人自行餽送而么麼小吏未能  
盡守廉隅旣經染指罪有難辭合將查得各情由



據實覆

奏恭候

若然崔天機何罪之有勤勉奉職處果實豈特無庸斥  
諭旨批示咨部斥革究擬再臣更有訪得確情不敢不  
革尚應咨留以備驅策  
竝陳於

聖主之前者臣於十月二十九日始行接奉

皇上聖諭隨卽差員前往密查乃未到三四日前卽傳

聞有此一事臣不禁駭異急爲根究係十月二十

九日商人馮相臣對衆商所說隨查馮相臣籍本

杭州在津行鹽本年九月內有原任總兵劉業浚

因伊親京營遊擊萬吉士於天津鹽鋪放債商人



李九如欠吉士銀五千兩吉士免劉業浚來津取  
討住宿平素相交之馮相臣家九月二十四夜賓  
主飲至四更始散失其衣服二包銀四十兩次日  
報官知縣因公在保典史崔天機前往勘驗見馮  
皇土相臣住房左右後面俱係商家前臨大街墻垣堅  
壁主固無損所失之銀俱在劉業浚枕箱之內似非外  
人所能竊取遂帶相臣業浚之家人盤詰一番二  
人以不留臉面大加痛恨業浚隨即進京回告吉  
士臨行有必要報復之言而馮相臣復屢登守備  
李甲早之門咆哮呵斥勒要三日獲賊又聞相臣



家尚養有葉姓之人道袍草履時常往來京師指  
稱能於王府行走看其踪跡近似丹客坐功之流  
相臣借此二處相與甚不安分曾因此課太嚴罵  
過運同孟周衍衆商公求得免又往拜通判裘幽  
生嗔其不開中門於沈志三家痛加辱詈天津官  
民多稱爲馮太爺此番之事無不聞而更懼臣思  
地方失竊自當嚴緝典史犯法亦應重處但棍徒  
借以賣弄威福煽惑愚人狂妄招搖頗有關係臣  
既有所聞不敢隱諱緘默相應一併附摺陳明伏  
候



皇上睿鑒施行謹

奏

據奏則馮相臣乃大不安分之人也極應嚴行懲處其對衆聲言崔天機一節不必涉及至於葉姓道人行踪詭異亦當究明來歷不宜疎忽此奏殊屬可嘉

雍正十年十二月十三日直隸總督臣李衛謹

奏爲敬陳愚昧之見仰祈

睿照事竊臣接閱邸鈔奉

旨福建泉州府知府員缺著禮部員外郎鄂善補授欽

此仰見



皇上慎重方面爲一郡之表率

特於部院保舉人員內揀選酌用臣係外吏何敢妄叅一言但泉州府係福建第一緊要之缺所屬山海交錯兵民雜處非老成幹練之人不足以副此任鄂善在浙臣因其人頗聰明彼時可以就近管束曾經聲明保

奏請用爲乍浦理事同知荷蒙

聖恩俞允後經隨帶進京引

見令臣教導成就又緣與乍浦副都統傅森言語不相和協并聞其酒後未能謹慎是以請調改用杭州



今雖閱歷數年差改前習但得內地安靜府缺與  
貝合土司相近地方尚可黽勉供職如於泉州緊要重  
地獨當一面恐少年高興恃才任性人地似未相  
宜臣與伊父鄂密達共事數年從未敢隱蔽其長  
亦不肯諱言其短俱有先後原摺題本可據此件  
毫無所用愛惡之處實緣身受部司以據政營束  
皇上厚恩偶遇稍有關係之事若不據實足以備述  
奏明於心何以自安伏乞 聖鑒或於相稱別缺知府調補則該員既得成全以報  
殊恩而地方亦蒙得人之福矣謹



奏

所見是泉州府缺因鄂善係廷臣保薦之員一時未暇  
詳審人地遂降旨以之補授今覽奏方始憶及已另諭  
該督郝玉麟酌調矣



今雖開歷數年差改前習但得內地安靜府缺與  
原任上司相近地方尚可通勉供職如於泉州緊要重  
任原地獨當一面恐少年高興恃才任性人地似不相  
宜惟與伊父鄂密達共事數年從未敢隱蔽其長  
亦不肯諱言其短俱有先後原摺題本可據此件  
毫無所用愛惡之處實緣身受其惠以故不敢  
違背朕王勳酒賄矣關係之事若不據實以聞  
若審入此盜初冒以文飾對今實奏文汝謝又曰民備  
河良景泉圃縣船因聘善糾我引糾黨之員一扣未即  
殊奏而地方亦蒙得入之福矣謹



